



«Шяраваллу цӀу дуккан даврийнур Дагъусттан цӀу буккантӀисса»

Ларгсса нюжмардий «Илчи» кказитрал ирглийсса хъамаличу хъунни Къурулал шяравасса Оьмарил арс, Ухсавнил Ккавказуллал Федерал округрал «Вершина» тӀисса ИхӀсандаул фондирттал ассоциациялул каялувчи Тимур ХӀажижараев.

4
лаж.



ИЛЧИ

№ 29
(2343)

6 август 2026 ш.


РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкӀсар 1917 ш.
ЦӀунил итабакълан бивкӀсар 1991ш.

«Бузмалий» кьини дарцӀуну дия



3 лаж.



Ибрагьим Ибрагьимов, шамийла Аьрасатнал чемпион

ЛачӀун буккаврил Аьрасатнал чемпионатрай

Москвавил 2026 шинал лачӀун буккаврил Аьрасатнал чемпионат хъунни июльданул 30-нния августрал 1-ннийнин Лайв Ареналий. Призирдал фондрал аьмсса дущин дия 15 млн кьуруш. Гьарица чурххал кӀушиврий ххув хьусса лачӀунуккул ларсунни 500 азарда кьуруш.

Гьуртгучитурал дурххуссар 10 комплект медальлал.

2026 шинал июльданул ахир-даний кӀул хьуну бур МахӀач Муртазалиевлул каялувшиврийну турнирданий гьуртту хьунтӀишиву Дагъусттаннал сайки 100 лачӀунукку.

Ва чемпионатрай ххув хъунни жула лакрал цӀа дурксса лачӀунукку Ибрагьим Ибрагьимов. Утти Ибрагьим Ибрагьимов хъанахьиссар шамийла Аьрасатнал чемпион, Заур Угуев – урчӀийла Аьрасатнал

чемпион, Аьбдулла Кьурбанов – мукьийла Аьрасатнал Чемпион, АьппасхӀажи МахӀаммадов – ххюйла Аьрасатнал чемпион.

Ибрагьим ххув хьусса чӀумал ванал лагма лавгунни журналистътал, миннал суаллахъхьун жавабру дуллай, жула лачӀунуккул укун бувсунни:

«На хьинну хӀадур хьуну уссияв, дакӀ дарцӀунугу уссияв ххув

Ахир, 2 лаж.

Владимир Путиннул барча дунни Федор Щукиннухъ юбилей



ПаччахИлугърал бакИчинал бувсунни Федор Щукиннул бивтшиву авадансса профессионал ххулу, лайкьну ккаккан унни цува судирттал давуртаву ва тамансса давуртту дурунни инсантурал закондалийнусса ихтиярду ва мурадру буручаврил ххуллий.

«ДакI дариЦуну ура, вил даврил иш кIулишву ва хъунмасса опыт тIалавну бикIанишверий Дагъусттаннал социал-экономикалул лябуккулул жаваблувсса масъалартту дузал баврил, инсантурал оърмулул даража лахъ баврил, Ухсавнил Ккавказнаву миллатирттал дянив дакъаву ва аслахИшиву дуручаврил иширттаву», – тIий бур барча аврил телеграммалий.

Ялапарлувтуращалсса дахIаву – властьрал буржри

Оператив штабрал заседаниялий Дагъусттаннал Хикуматрал председатель МахIаммад Рамазановул личИнурадса къулагъас дунни паччахИлугърал властьрал ва кIанттул цилакаялувшивул органнал инсантурал лабизавуртташалсса даву сакин даврих.

Министртурал кабинетрал бакИчинал тапшур бунни цила чIумал къулагъас дуллан инсантурал лабизавурттах, чагъардах, миннашал махъуннайсса дахIаву цIакъ дуван, дагъайкунсса жавабру дуллан, давуртту бартдигъаврил низамрал ялув бацIлан.

«Ялапарлувтуращалсса дахIаву – властьрал органнал мюнпатшивул яла хъуними ккаккиарттавацца цар. Инсаннал личИшиву дакъассар, ганал масъала дузал баврил жаваб цумур идаралул дулунтIссарив. Га ялугълай уссар балжисса жавабрах. Мунийн бувну, инсаннал чагъарданун анаварсса мутталий жаваб дулаву, ганащалсса дахIаву дузал даву ва даву бартдигъаврил низам (исполнительская дисциплина) махъ бакъа властьрал гъарца органдалул стандартну дикIан аьркинссар», – увкунни МахIаммад Рамазановул.

Оператив штабрал заседаниялий ДР-лул БакИчинал ва Хикуматрал Администрациялул каялувчи МахIач Оьмаровул бувсунни инсантурал лабизавурттал мониторинграл хIасиллал ва ДР-лул паччахИлугърал властьрал ва кIанттул цилакаялувшивул органнал инсантурал чагъардах къулагъас даврил хIакъираву. Ванал тIимунийну, июльданий Регионалул управлениялул центрданул «Инцидент-менеджмент» системалуву сияхIрайн ларсъясса лабизавурттал аьмсса аьлад хъуну дур 12 222, ми хъанай дур хъычIмур мутталийсса ккаккиарттах бурувгун 17 % ххишаласса.

Дагъусттаннал агъалинал ккаккан дурссар цала чувшиву

1999 шинал Дагъусттаннай хъусса дъявилул ишру хъуссар региондалул ва Аьрасатнал тарихраву хъусса агъамсса иширттавацца цану. Дуниялул халкъунал дянивсса бандитътурал къюкьри духлаган даврин хасъсса операциялул асар биян бувсар кIанттул агъалинайн бакъасса, дуниялул халкъунал политикалийнгу, террорчишивурашалсса талатавшиву Аьрасатнал бугълагъисса кIану цIакъ бувну.

1999 шинал августрай байбивхъуна дъявилул ишру. КIанттул инсанталгу хIала-гъурттусса чил билаятирттал боевиктурая сакин хъусса радикалсса сакиншиннардал хIарачат бувна канихъхъунласун Дагъусттаннал шяравал-

лу, тикку цала каялувшиву дуллалаву мурадрай. МиннацIун кабакъу буллай бия Чачаннавасса радикал къюкьралгу.

НигъачIаву ялун диян найдушиву кIул хъуну, Аьрасатнал каялувчитурал бандитътурал къюкьрашал байбивхъуна хъунмасса дъявилул операция.

1999 шинал августрал 9-нний федерал гужирдал байбивхъуна чялишсса дъявилул ишру, микку гъуртту хъуна аьрал ва хасъсса подразделенияртту. Операциялуву ишла буллай бия ттизаманнул дъявилул иширттаву ишла дайсса методру ва ярагъ.

1999 шинал ахирданийннин бандитътурал къюкьрал хъуними гужру ххит буккан бувну бия, миннал чIявуми бакIчитал

бухлаган бувну бия, цаппарасса ясир бувну бия. Операциялул ахирданий чIяруми шяраваллу марцI дурну дия къачагътурал къюкьрацIа, мунийну регионалий тагъар тамансса ххуй-хъин хъуну дия.

Амма ми махъсса иширттал хъири 1999 шинал октябрьданий байбивхъуна кIилчинмур Чачаннал дъяви. Мунил тамансса зараллу биян бувна Ухсавнил Ккавказуллал регионалийн.

1999 шинал Дагъусттаннай хъусса иширттал хъунмасса опыт хъун бувсар Аьрасатнал дуниялул халкъунал террорчитурашалсса ва закондалий дакъасса ярагъуннишалсса сакиншиннардаштал талатаву дачин давриву.

ХI. АЬДИЛОВ

Ккуллал райондалия

Ихтиярдал хIакъиравусса кумаг

Ккуллал райондалийн даврил аьрххилий увкIунни Дагъусттаннал Юстициялул министрствалул «Государственное юридическое бюро» ГКУ РД-лул директор Макъсуд МахIаммадов.

Ванал аьрххилул мурад бия зунттал райондалул шархъавусса инсантуран украсса юридий консультация даву.

Аьрххилул лагрулий Макъсуд МахIаммадов хъунаавкъун-

ни райондалул администрациялул каялувчитурашал, шиккува ххал бивгъунни агъалинал ихтиярду дуручаврил даража гъаз баву мурадрайсса масъалартту. Агъалинан дунни украсса юридий консультация.

Инсантурал гъаз бувсса чIявуми масъалартту бия социал кумаграл, хъусли ва аьршарал бястлил, хасъсса аьрлий операциялул гъурттучитуран ва миннал кулпатирттан

дагъайсса хIаллихшиннардал хIакъиравусса.

Хъунабакъаврил хIасиллу дуллай Макъсуд МахIаммадовул кIицI лавгунни укунсса хъунабакъавуртайну паччахИлугърал бюроран аьлтту хъанай душиву агъалинал ихтиярдал тIалавшиннарду. Бувсунни вайннул хIакъираву юридий консультация дан ва шайсса куццуй чIарав бацIан хIадурну бушиву.

Имара САИДОВА

ЛачIун букваврил Аьрасатнал чемпионатрай

Дайдихъу 1 лаж.

хъуншиврий. АлхIамдулиллагъ, ттуша буюхъунни хIакъину ттула дакIниймур бартбигъин. Финалданий ттул личИсса тактика дакъассия. Мурад бия цинярда ряхрагу минутрай лачIун уккан ттула зумуну, буюхъусса чаралий. Счет 6:6 хъусса лахIзалува на чаш къаувкссияв. Га чIумал личИсса асарду бикIай. Пикри бикIай так муттаэнаяту, ххув шаврия, шикку ва цIана, цIана ва шикку. Лахъхъу хъумуния, гъунттий хъунтIимуниясса пикри къабикIай лачIун уклакисса чIумал. Ххув хъунсса гъира, гъавас хъун шай ттула дускъардаштал чIарав бусса чIумал. На бьст-ччаллайн увкIсса чIумал жул хъунама тренер МахIач Муртазалиевлул учай: «Вил усурвал бувкIунни», – куну. Нагу учара: «Туну, на паракъат хъуссара, ххув хъунтIишиврий дакI дариЦуну уссара», – куну.

На Ислам МахIачевлушал сбор бувссия, шанна нюзмардий, навагу хъинсса формалий уссияв. Утти ттун ччай бур ва зурул 15-нний хъунтIисса Исламлул ияврийн гъан. Сбордай усса чIумал ганал ттухъ хъярчлий увкуна: « Ух хъурча, маучIара», – куну. Утти лажин кIялану гъанна».

Чемпионатрал хIасиллу

57 кило

1. Абубакар МутIалиев (Дагъусттан).
2. Муса Мехтиханов (Дагъусттан).
3. Тунжай Вердиев (Оренбургуллал область) ва Амир Чамзын (Тыва).

61 кило

1. Заур Угуев (Дагъусттан).
2. Рамиз ХIамзатов (Ставрополлал край).
3. Кежик Монгуш (Иркутсклал область) ва Чермен Тавитов (Москва).

65 кило

1. АьппасхIажи МахIаммадов (Дагъусттан).
2. Эльдар АхIмадуинов (Дагъусттан).
3. Башир МахIаммадов (Дагъусттан) ва Алик Хадарцев (Москавуллал область).

70 кило

1. Ибрагъим Ибрагъимов (Дагъусттан).
2. Азнаур Таваев (Дагъусттан).
3. Константин Капрынов (Якутия) ва МахIаммад-Эмин Эльтемиров (Чачаннал Республика).

74 кило

1. Иналбек Шериев (Москавуллал область).
2. Заурбек Сидиков (ХМАО).
3. Имам Ганишов (Дагъусттан) ва Умар Умаров (Дагъусттан).

79 кило

1. Исмаил ХIаниев (Дагъусттан).
2. АхIмад Усманов (Дагъусттан).
3. ХIажимурад Аьлихмаев (Брянсклал область) ва Сяид Сайдулов (Дагъусттан).

86 кило

1. Ибрагъим Къадиев (Дагъусттан).
2. Артур Нейфонов (ХМАО).
3. Арсен Балаян. (Калининградуллал область) ва Руслан Чертокоев (Ухсавнил Осетия).

92 кило

1. Аманулла ХIажимахIаммадов (Дагъусттан).
2. Азамат Хадзарагов (Запорожсклал область).
3. Владислав Валиев (Ухсавнил Осетия) ва Амир Булатов (Чачаннал Республика).

97 кило

МахIаммад Къурбанов (Дагъусттан).
2. МухIамад-Пагъир ХIаниев (Дагъусттан).
3. МахIаммадхIажи МахIаммадов (Дагъусттан) ва Аьлихан Жабраилов (Дагъусттан).

125 кило

1. Аьбдулла Къурбанов (Дагъусттан).
2. Алан Хугаев (Ухсавнил Осетия).
3. Павел Кривцов (Кемеровуллал область) ва Георгий Бязров (Ухсавнил Осетия).

ХI. АЬДИЛОВ



Майя фондрал ца яла чялиш-мур член Саидат Къурбановал душгу бухъувкун, жула оърчал хъхичлуннайшивурттая ва ккаккярттая ххари хъанай бакъарув циняв. Ва ялагу, Майял цилва гъунарданул хурмат буван, ванил дарзитурал канила дурксса бузмардай тамаша буван ччисса зувугу цачлудихълай бакъарув. Майя Дагъусттаннал агъалинан кIулссар «Бузма» («BOUZMA») тIисса бренд хIасул дурсса, миллатрал хъхичIазаманнул лаххиялуву ххуймур, къулаймур, цIанасса чIумуцIун даркъумур уттизаманнул лаххиялавун ласласисса, сивсусса ва магъирсса художник-дизайнер хIисаврай. Майял дур инсантал махIаттал буллан ххирасса хасият. Най бунува кIицI лаганна, ва ххуллухъгу махIаттал бувансса даражалийсса даву дуршиву. Мероприятие усттарну дачин дурсса Тимур Хъунбуттаевлул дайди хъу дуллалисса махъ лавхъуну, микрофон ялавай бувансса чара бакъа, бавунни балчаннул рахъ-рахълил чIу. ШябикIния бакIру гъаз дурну буруглай буру чал ччаннал тIап-шаплил чIу бавнинмай: бурхха, балчан най бур, чал кIиллуву тIурча, Майял лаххиялувусса аьнтIикIа. Ххуйрикъай дайди хъу: тарихрачалсса дахIаву аьч дуллалисса. Балчаннуйн жува гихунмайгу занабикIантIиссару, циванниву кIул хъунтIиссар. Куннил хъирив кув исвагъисса лаххиялувусса душру тихунмай ва шихунмай занай бия. Лях-карах баллай бия хIайран хъушиву бусласисса лахъсса чIурду. Лях-карахрив ягин шайва риршусса хъатурдил гургу. Мероприятие къуртал хъанайсса ппурттуву цIунилгу балчаннул рахъ-рахълил чIу бавна. Чал кIиллуву кIяласса лаххиялувусса жалингу шябивтуну, чал хъхури дургъуну най ия наврузбаг. Ва лавгзаманнул лахIа хъхичI бацIан чал кIиллувусса жалин ва гъалмагъай личIинува ябацIанну итталун багъуна. Ссурссурдугу лахъи дурну, вай бахълаганнин хъирив ялугълай ливчIуна чIявуми. Майял коллекциярдан лахъсса кымат бишлай, бавтIири Тимур Хъунбуттаевлухъ, барчаллагъ учин Майя буккан бува тIий бия. Амма ламус буллалисса Майя лывкIуну тамашачитурал хъхичIун къабувккуна, ванихъ барчаллагъ учин ччиминнангу ванихъ луглан багъуна. Чув лабикIанссия?! Гъан хъанай, цивппа рязийну ливчIушиву буслай, барчаллагъ тIий бия. ТIутIавун бахълаган бувна. Майжаннугу, «Бузмалий» кьини дарцIуну дия. Унгунгунусса байран дия. Лакку душаврал гъунардал барашинна дуллалисса мутта бия.

«Бузмалун» буниялттунгу дуниял тIитиншиврийнсса вихшала дакIурдиву цIакъ дуллай дия.

БавтIиринал цаппара пикрирдугу.

Асият Буттаева, философялул элмурдал доктор, профессор:

– Дагъусттаннал культура-лул тарихраву цалчинни укун лахъа-хъунсса даражалихъ, ссавнилу, гъавалихъ, мяъна-мурад-рал куртIсса, яргсса мероприя-тие дуллалисса. Даву дуванс-са кIанугу къулайну язи бувгъуну бия. Хъамаллуравухъ бия бус-равсса инсантал, лакрал интел-

«Бузмалий» кьини дарцIуну дия

Августрал 3-ний МахIачкъалалал дязаннив, Дагъусттаннал паччахIлугърал университетрал майданнив, гъунар бусса дизайнер Майя Мамаевал модардай тамаша бан биялсса агълу бавтIун бия. БавтIириनावу бия халкъуннал артистътуратIайла хъуну, машгурсса блогертал, творчествалул, магъирлугърал инсантал, элмулул ва СМИ-лул вакилтал. Мариян Илиясовал цIанийсса «Дараччи» фондрал биялсса душругу бия хъунмур Гульшан Хасавая тIайла хъуну.



лигенция. Ва даву сийлий дувансса хIарачат бувну бия ваниха зий бивкIминнал, гъарзатгу хIисавравун ларсун. ЛичIинува цIа дуванна Майял гъунарда-

ния. Ванил федерал даражалигу лайкъну ккаккан дувансар цила творчество, дакIний личIанну ккаккан дуванссар миллатралгу, Дагъусттанналгу



ХIабибат МахIаммадова, предприниматель:

– Ва мероприятиялул дия цамургу ххуйшиву: жуя арх бакъа шябивкIун бия къатIаллил билаятирттаясса инсантал. Миллатирттал костюмрдайхIин, музыкалийхIин ва дизайнернал идеярдайхIин хъамаллуран Дагъусттаннал культура ккаккан дуваву. Укунсса журалул мероприятияртту ялун нанисса никирангур аьркинсса. Майял коллекциярдава чIалачIиссар цукун авурсса, лазилавкъусса лаххия лахлай бивкIиссарив жула хъуннабавахъал чIумал.

Фарида Базанова, Новостройсса «Непоседа» садикрал хъунмур:

– Модардал шоу куну къаритансса даву дакъаяча, дакIнин малхIансса ва лахъину дакIний личIансса даву дия. «Бузма» этно-бутикраща хъунни миллатрал куртIсса традицияртту, лакрал костюмрал ДНК ва уттизаманнул лаххиялул ларайсса стиль цанницIун ца усттарну дакъин дуван, ххуттаван дагъан дуван. Модельертурал коллекциярдуду бикIай так ккаккялун бишинссагу, Майялминнул ххуйшиву муниву дия, хъатIуйн, хъиншиврийн лахханссагу дия лаххия, гъар кьини лахханссагу. Гъаннайсса, тамашагу бувну тиннай дишай лаххия дакъаяча, чурххайн лавххуну занай мюнпат ласайсса дия. Вагур «Бузмалул» лаххия тIалавну душиврул савав.

Муслима Расулова, хIакин:

– ТгучIанма Санкт-Петербургия хъамал бучIайхту, цIухлай бия миллатирттал лаххия чувмашан ласунтIиссар тIий, на вай «Бузма» ттучандалийн бувцуссия, тиккува арх бакъа бурхха ттучан. Хъамаллурачал бувххусса навагу, цичIар машан ласунсса пикри бакъанува, ххуй дирзум ларсесьсия. ХIакъину укунсса мероприятие дусса кIулну, архния тамаша буван бунугу бивкIра. ЧIявусса агъали бавтIун бур, ябатIин къашайсса лаххия дур, хаснува лялух дахIай мухIулттая яру къабатIлай бивкIра. Укунсса даражалул дизайнертал Дагъусттаннайгу бушиву тIааьнну бур. Коллекциярдава чIалай бур дизайнер лакку аьдатру, багъу-бизу ххуйну кIулсса ва ххирасса бушиву. Майял чIа тIий бура модалул дунияллий тIайлабацIу, ва хIакъинусса давугу барачатсса хъуннав. Укунсса давуртту къатIаллил билаятирттайгу лахъсса даражалихъ хъуннав! Дуллалимуйн аргъ дызаннав!

ПатIимат РАМАЗАНОВА

лажин. ТIайлабацIу баннав!

Гульшан Хасавая, Мариян Илиясовал цIанийсса «Дараччи» фондрал хъунмур:

– Наслулул хъхичIуннайшивурттая оьрчIаяр цаярва нину-ппу ххари хъанан бикIай. Нагу жула ккурандалул уртакъ Саидат Къурбанова барча буллай бура. Ххари бувунна нагу, жува цинявгу ххари бувунну Майял усттаршиврул, бухъубажар бушиврул ва лаххиялул ххуйшиврул. Майял цал уттигу исват дунни лакку душаврал каруннил усттаршивугу, ниттихъал лаххиялул хурмат бушивугу.

Басират Билалова, «Дагъусттан» МЦК-лул Президиумрал член:

– ДукIу, Москвауллал ХIукуматрал сипталийну Москвалив «Модалул нюзмар» дуссия, Майялгу ккаккан бувссия цилва коллекция. Нагу гуртту хъуссияв му мероприятиялий, хъинну ххуйну къамул бувна ванилми коллекциярдуду. ХIакъинугу Майял цуппа гъунар лахъсса дизайнер бушиву илданун ккаккан бунни: хIайран буллалисса ко-лористика, исвагъисса аксесуарду, миллатрал колорит ва уттизаманнул стиль цачIун дурну, бавтIириinnan хIакъсса бахшиш дунни.

Ларгсса нюжмардий «Илчи» ккказитрал ирглийсса хъамаличу хъунни Къурулалл шяравасса Оьмарил арс, Ухсавнил Ккавкказуллал федерал округрал «Вершина» тисса Ихсандалул фондирттал ассоциациялул каялувчи Тимур ХИажижараев. Ванал бувсунни ихсандалул фондирттал къайгъурдая, дурмуния ва дан дакӀниймуния, хъхьичӀ ххуттайн ласун багълагьисса масъаларта-та ва шурущи дан ччисса проектирдая.

– Тимур Оьмариевич, ихтилат байбишин хъхьичӀ кутӀану виятува бусарча ччива.

– Ттул нину-ппу Къурлату-сса бур. Совет заманнай кӀиягу Приборостроительный заводрай, яла личӀи-личӀисса давурттай зий бивкӀун бур. Цана пенсиялий бур. На кулпатраву хъунама ура, ттуяр мюршисса кӀия усу буссар. На увну ура МахӀачкӀалалив. Шиккува къуртал буссар школа, мунир махъ Шяраваллил хозяйствалул институт. Ттул бур кулпат, ххюва оьрчӀ. Ттул даву хъунмурчӀин коммерциялул дакъасса идарттал лябукку баврицун дархӀусса дур. Ва сфералу на зий ура 2008-ку шиная шихунай. 2009-ку шиная каялувшиву дуллан ивкӀра «Солидарность» тисса Москвауллал фондрал Дагъусттаннайсса филиалданый. 2012-ку шиная титӀав «Надежда» тисса ттула фонд. Муний каялувшиву дуллау уссияв 2019-ку шинаянин. 2014-ку шиная тивтӀуна «Друзья милосердия» тисса Дагъусттаннал фондирттал ассоциация. Муний каялувшиву дуллау уссия Джума мизитрал имам МахӀаммадрасул Саадиев. Мунал хъирив Ассоциациялул каялувшину на уссияв. 2021-ку шиная хӀасул буссар «Вершина» тисса Ккавказуллал фондирттал ассоциация. На ура ванил директорну ва «Наутилус» тисса коммерциялул дакъасса идарттал лябукку баврил ресурсный центрданул каялувшину. Мукуна на ура 2024-ку шиная тивтӀусса «Семь колосъев» тисса ихсандалул организациярттал федерал ассоциациялул председателънуту.

– ЧӀавусса бурив хӀакъину Дагъусттаннай ихсандалул фондру?

– СияхӀрайн лавсӀцирив хӀисав буларча, бур мадарасса. ЧӀалишну зузиссарив личӀину чӀавусса бакъар. ЧӀавусса бур фондру ци-бунугу ца иширацун бавхӀуну тивтӀуну бивкӀисса, шиная цал ци-дунугу дайсса. Муданма чӀалишну зузисса 50-нийн бивсса фондру бур.

– Фондирттал дуссарив куннал куннашалсса дахӀаву ягу гъарицамур личӀи-личӀину зий буссарив?

– Гъай-гъай, куннал куннашалсса дахӀаву дуссар. Жу ца аьмсса хъаттиралуру зузисса. Жул структура ми фондирттал автоматизациялухагу зузиссар. Буссар куннал куннашалсса дахӀаву дусса, цаннал дуллаимур цаннал чӀалачӀисса жула электрон база. База баврил мурадгу мури, цаннал дурмур гаманан чӀалачӀаву. Ца фондрал, масала, ца кулпатран кумаг буну бухъурча, гайми цамур чулухунмай зун. Гъарица фондрал дуллаимур чӀалачӀисса база бакъахъурча, бюхъийссар мукунсса иш хъун, кӀива-шанма фондрал ца кулпатран кумаг буну, цамур кумаг къабивну ливчӀисса. Ца кулпат бюхъийссар

«Илчилул» хъамаличу

«Шяраваллу цӀу дуккан даврийнур Дагъусттан цӀу буккантӀисса»



Тимур ХИажижараев



цаппарасса фондирттайн, цаппарасса регионайн буккан кумаг бара тӀий. Муният, циняв фондирттал дахӀаву даву мурадрай сакин дурссар Ккавказуллал, Аьрасатнал ассоциациярду. Жу жуйна вихшала дурсса спонсортурал вихшала зия хъун къабацӀайссару. Гъарица харж дурмунил отчет дулайссар миннал хъхьичӀгу, республикалул Юстициялул министрствалул хъхьичӀгу.

– Цукунсса пишакартал зузиссар фондирттаву?

– Фондирттаву зузими чансса бакъассар. Ми хъунмурчӀин волонтертал бур. Буссар инспектортал тагъар ххал дан кӀантту-кӀанттурдайн лагайсса, зарал бивминнашал ихтилат байсса, жилищно-материальный актру щаллу дайсса. Буссар масъалалух бурувгун цала-цала направленирттай хъирив буккайсса куратортал.

– Буссарив фондирттая кумаг хасъсса аьралий операциялийминнан?

– Буссар. Дагъусттанналгу, Ккавказуллалгу ассоциациярдал хъунмасса кумаг буллалиссар хасъсса аьралий операциялул. Масала, 2025-ку шиная фондирттал партӀисса арцул 40%

хасъсса аьралий операциялул кумагран тӀайла бувкссар.

– Цукун буккайссар спонсортал зуйн ягу зу миннай?

– ЛичӀи-личӀину. Цал-цал жунай бунува цайнма ишбажаранчитурайн, предпринимательтурайн буккару. Цавайгу цивпа жуйн буккай, соцсетирдавужу дуллаимур чӀалай хӀала буххай. Бувай цала чулухасса чӀиви-хъунсса кумаг. Жу цаннан ца къакуллассару, къаккаккайссару.

– ПартӀисса арцуя щин кумаг бансарив, циксса дулунсарив, цуманан къабагълай буссарив хӀукму ци хӀисавравун лавсун байссар?

– Му даву жу халкъуннал властӀрал структурардашал бавкъуну дайссар. Жул буссар зузисса группа, буссар властӀрал органнал вакилтал ва ихсандалул организацияртту духлахисса ситуационный центр. Уттигъанну республикалий хъунни ЧС баян бувсса, тӀабиаьтрал хъунисса зараллу биян бувсса ишру. Шикку паччахӀлугърал чулуха хъунисса кумагру буллай бия инсантуран. Строительствалул министрствалул стандартиртайн буну, зарал бивсса кулпатирттан хъунисса кумагру

бан ккаккан бунни, буллайгу бур. Гъай-гъай, фондирттачӀа муксса гуж бакъар. Жу икӀрал дарду, паччахӀлугърал кумагру бивми бивтун, ци-бунугу багъана-сававрттайн буну паччахӀлугърая кумаг ласун къахъанахъиминнал чӀарав бацӀан, бюхъавай бивсса заралданун лавхъхъуну кумаг бан. Бия кумагран дуллусса арцу архӀа-архӀалну цинявнайх дачӀин тиссагу. Мугу щала тӀайласса хӀукму хъун най бакъая. Хъунисса зараллу бивминнан ва чӀивисса зарал хъуминнан цакущуй дулаву. Жул мурад чириллул фондирттал даву профессионал даражалий, тӀайлану дачин давур. Бивсса заралданун лавхъхъусса кумаг бавур. Му чӀумалли агъалинал фондирттайнсса, ва ххуллий зузиминнайнсса вихшалагу диклантӀисса.

– Ссал кӀункӀу увра ина ихсандалул ххуллийн?

– Ца-ца чӀумал жува кӀункӀу къашаруча, ци бунугу иширал, тагъарданул цила кӀункӀу бару цания ца чулухунмай. Иш мукун багъуна, жун, цаппара инсантуран, ца масъалалул ялув хъирив буккан багъуна. Микку хъунмур хъарттун лахъан багъуна. Му чӀумал на коммерциялул сектордануви зий уссияв, буссия чанкъансса бизнес-опыт. Му ппурттуву пики хъуна коммерциялул дакъасса организациярттавуна, мунил агъамшиву чӀалай. ЧубутӀуй арцуяну кумаг бунува ттула гъалмахтурал. Зун ивкӀун махъ, хӀалли-хӀаллих тӀий опыту ххишала хъуна. АцӀния ххюра шиная лажиндарай ва ххуллий, укунсса масъаларттаха зий, цукун зунсарив бувчӀайгу бия.

– Хъуссарив зул фондрая цукунчӀавсса кумаг Лакрал ва Ккуллал районнай тӀабиаьтрал хъунисса зараллу буну, ЧС баян бувсса чӀумал?

– Му чӀумал жу левхру Лакрал райондалийн иш-тагъар ххал дан нанисса хӀукуматрал комиссиялуву. Комиссиялуву фондрал вакилталгу буссия. Хъунабавкъуру райондалул администрациялул бакӀчитурашал. Ккуллал райондалул бакӀчинашалгу дахӀаву дуну буссияв. Цинярдагу зарал бивсса районнайсса инсантурал сияхӀу дурссия. Жуйна, фондирттал биялаллийн багълагьисса цинявнин кумаг бувсар, хӀукуматрал кумаг буллаллими бивтун.

– КӀулливин вин лакку маз?

– Гъалгъа тӀун бюхъай. ОьрчӀиний лавхъхъумур хъама къабитайхха. Школаллийн гъаннин на шяраву икӀайссияв, бава-таттачӀа. Яла увкӀиссара нитти-буттачӀан шагърулийн. ДакӀнийри, на школаллийн наниний нину буруккинттарай дия оьрус маз къакуллусса на цукун дуклантӀиссар тӀий. Гъинттул, каникуллал чӀумалгу, на мудан шяравун лагайссияв.

– Уттигъанну Лакрал райондалул бакӀчи Зураб Кучаевлул бавтӀуна махъ нанисса, кашидусса лак райондалул иширттаву хъалишну хӀала буххайра, райондалул даража гъаз бан чӀарав бацӀияра учин. Делегациялуву инагу ияв. Ци учинна

батӀаврил хӀакъираву?

– ТӀайлассар, Зураб ХӀусайновичлул оьвкуну нагу лавгссияв хъунабакъаврийн. На кӀаняхъучав, ттула опыту, кашигу, дахӀавурттугу ишла дурну чӀарав ацӀан, архӀал зун хӀадурссара куну. Райондалул даража гъаз баврил, шяраваллу цӀу дуккан даврил масъала чъянива гъаз бан аьркинсса масъала бия. Ва щаллу бангу райондалул каялувшинаша цащавалу къашайссар. Зураб ХӀусайнович гъавас бусса, зун ччисса каялувчи ур. Ттул ванайн вихшала дур. Ванал лагма лагарча кашидусса лак, ци-бунугу хъуниссия. Жула пикирдудузрайн букканшиврлул, хъхьичӀвахъхьичӀ лавгмунил хӀисав-сан дан аьркинссар. Уттиний итабавкъусса гъалатиртталгу хӀисав дурну, ттиния тихуннай дулланмургу тӀайлану ккаккан дарча жула иш бачинтӀиссар. Яла-яла, жунна ва ххуллий халкъуннал вихшала аьркинссар. ЧӀавусса лак бур тихашиха бивчусса, ва ишираву жула чӀарав бацӀан бюхъайсса. Амма инсантурачӀа дакъар проектирдайнсса вихшала. Ми мукӀуну бакъар цала арцу «къадуканшиврлий», щил-дунугу жипливун къалавгун, мюпатну ишла даншиврлий. ЖучӀара чӀарусса арцу дакъар. Думур, ттула пикирий, циняв пачӀун хъуну, ца хъун дакъасса проектраву дирхъуну, даву дайсса ккаккан буну, инсантурал вихшала дишин бан аьркинссар. Жущара хъунссия меценатътурал, патриотътурал дуллусса арцу, масала, къуртал къабувсса Гъумуксса азарханалун ишла дан. КӀа азархана бан хъуннасса даву дунни Москвалия увкӀун, кӀий къушгу бивчуну АьбдурахӀим Дибировичлул. Ца-кӀира сфералуву кӀукунсса пишакартал бивкӀиссания, миннал район тӀутӀайх дичин данссия. ХъхьичӀира-хъхьичӀи, инсантурал вихшала аьркинну дур. Му чӀумалли кумагчиталгу буккантӀисса, проектругу бигъану дузрайн дуклантӀисса. Ца цамургу ттунма хъусса пикири. Хъхъури бур паччахӀнал чӀумалва буну бивкӀисса къала. «Гъази-Гъумучи» фондрал кӀикку тивтӀуну буссия гъинттул оьрчӀуру бигъалагансса лагеръ. Нагу гъуртту хъуссияв микку. Му чӀумал дакӀнин багъуна укунсса зат. КӀа шяраватусса ур Конституционный судрал судья ХӀадис ХӀажиев. Ваналгу, цайминналгу кумаграцӀух кӀикку оьрчӀансса юридическая школа тӀитӀирча ххуйну хъунссия. Шиная 10 юрист хӀадур увну, гихунмайгу дуккин барча, муния хъунмасса мюпат хъунссия райондалун. Хъхъуртал юридическая школа тӀисса проект дузрайн дуккан дан хъунссия. Мюршисса проектирдая байбихъуну хъуниминнуин буккайсса. Шяраваллу цӀу дуккан даврийнур Дагъусттан цӀу буккан бан хъунтӀисса. Нава каялувшиву дуллалисса «Наутилус» тӀисса ресурсный центрданийгу на хъхьичӀ ххуттайн лавсун буссар шяраваллурду хъхьичӀуннай даврил масъала. Ми масъаларттаха зунсса департаментрай каялувшиву дансса инсаннах луглай ура. Ттун ччай бур Дагъусттаннай гъавасгу, бюхъубажаргу бусса 5-10 инсан лавкъуну, ми лагма лаган буну, гъарнал ца-ца сфера цала бакӀрайн ларсун, муниха зий. Шикку ज्याмтрал мурадгу хъхьичӀун лавсъясса жяматийсса структура хӀасул хъун аьркинссар.

Анриана АьБДУЛЛАЕВА

Аьдатравун багьсса шамил-чинсса аьрххи хьунни гьашинугу жул ГьунчIукьатIрал шяравун, машгьурсса альпинист, хIакьсса патриот Абу-супияннул арс Зиябуттин ХIажимирзаевлул ужагьрайн. Ххуллугу тIайлабацIусса хьуна, кьинирдугу дарусса дия. Гьарал-лу лачIлай зия хьуну бивкIсса ххуллурду чачун бакьин буллай бия. ТIабиьтгу аргьирай шюллишиврувун дагьларгуну дия.

Цинявннан кIулсса зат бур ГьунчIукьатIрал шяравалу дуняллийх машгьур хьусса, цIанихсса аьлмтурал ва хьхьичIунсса пишакартурал шяравалу душиву. Уздансса тухумирттаясса Зиябуттин ва Валида ХIажимирзаевхьул цала ххаллисса хасиятир-тайну бусравну ва ххирану бур ГьунчIукьатIрал жяматран бакь-ассагу, республикалийгу, респу-бликалул кьатIувсса хьамаллу-рангу. КIицI лаганна, Зиябут-тин лакрал миллатрайн багьайс-са гьарица иширттаваху сахават-лувну гьуртту шайсса инсангу ушиву.

Хьамал ххирасса, хьамаллу-раха хIурмат-кьимат бан кIулсса Зиябуттиннул кулпат, утти лакку душвавлал ккурандалулгу авадан бунни. ГьунчIукьатIрал шя-раву бюхттуллив дурсса вайннал кьатраву хьамал бакьасса чIун тачIав дакьар. Цала мажал бакь-ашиврух кьаурувгуну, хьун кьа-бивзуну, Зиябуттиннул кьушлий вайксса инсанталгу кьамул був-ну, цинявннаха аякьа-хIурматту бувну, тIайла бувккунни ва ххуллухьгу. Вайннал ужагьрайс-са лакку душвавлал дуссух-сса миллатрал бучIантIимуний дакI цIуцIаву дуллалисса хаварду, дан-ританмуниясса пикри-хияллу, цIу бусса хьарч-махьсартту хьамакьабитайсса асардал бувцIусса бия.

Дюхлулсса гьавалий гьант-тайн чIумал тачIаву бизар кьа-хьунсса бия Дагьусттаннал хал-кьуннал артисткахьал Загьидат Муслимовал ва Луиза Шахдиловал бюхханну учайсса балайрду. Ва аьрххилий хьиннува исват хьанай бия хьин-хьинсса сип-тарду дусса, пагьму-гьунар бус-са, хьхьичIун ливчусса душру-хьами жула бушиву.

Ва кьинисса хьамаллура-ваху бия ихтилатраву тIаьнсса, ккурандалуву хIурмат-кьи-матрайсса, пагьму-гьунар бус-

Хьамакьабитайсса асарду



са душру: философиялул элмур-дал доктор, ДГИ-лул профессор Асият Буттаева, Мариям Или-ясовал цIанийсса «Дараччи» ихIсандалул фондрал президент

Гульшан Хасаева, ДГТУ-лул кьатIаллил мазурдил кафедра-лул хьунмур, чичу, шаэр Жанна Абуева, А. Тахо-Годил цIанийсса Педагогикалул институтрал оь-

рус мазрал ва литературалул сек-торданул хьунмур элмийсса зу-зала, шаэр, литературовед, тар-жумачи Миясат Муслимова, Ра-сул ХIамзатовлул цIанийсса мил-

латрал библиотекалул директор-нал хьиривмур Сарат Жабраи-лова, Москваливсса «Дараччи» фондрал филиалданул хьунмур Басират Билалова, вирттавлал нину Саният ХIажиева, Дагь-усттаннал магьирлугьрал лайкь хьусса зузала, «Лезгинка» ан-самбльданул хореографиялул школа-студиялул директор, ба-летмейстер ва хореограф Та-рийат Кьапиева, Дагьусттаннал паччахIлугьрал филармония-лул директорнал хьиривмур София Разуева, Дагьусттаннал халкьуннал артисткахьул Загьидат Муслимова ва Луиза Шах-дилова, «Дагестан» ГТРК-лул лакралмур редакциялул хьун-мур, журналист Тамара Зака-рьева, Дагьусттаннал халкьун-нал шаэр ПатIимат Рамазанова, шаэр КьурбанпатIимат Штан-чаева, ПатIимат МахIаммадова, «Илчилул» отделданул редактор Андриана Аьбдуллаева.

ГьунчIукьатIрал шяравун бу-чIайхту, жу чарабакьа бияйсса-ру миллатран тачIав хьамакьа-би-тайсса Чибил душ Мариям Или-ясовал ва жула коллега Кьурба-исмийллул арс Амин Аьбдулла-евлул кьатрачIан, вай дакIинийн бичин, кьулгьу-алхIам буккин. Аьпа баннав цал, цикссагу чу-мартесса давуртту дурсса, дугь-рисса инсантал бикIайва.

КIицI лаганна, гьашинусса аьрххи авадансса ва барачат-сса хьушивугу. Жун тIайлабацIу хьуна Гульшан Хасаевал сипта-лийн бувну, Чуртташийл шяра-ву тIитIлатIисса Буттал кIанттул цIанийсса Хьун дьавилия зана кьавхьуминнал, захIматрал фронт-рай зий бивкIиминнал, хасьсса аьраллий операциялий чувшиврий жанну дуллуминнал аьпа абад бул-лалисса ххаллисса мемориал ком-плексрал шадлугьрайгу гьуртту-шинна дансса.

Аьрххилул асардая буслай, учивияв, Зиябуттиннул жул оьрму-луву ххари-хьиншиврул дурцIусса ца байран ххишала дунни куну. «Оьрмулуву тачIав хьамакьари-танссар Зиябуттиннул ва Вали-дал кьушлий бигьалаглай бивкIсса кьинирду», – тIий, барчаллагьрай бия вайннай цинявппа хьамал.

ЦIуллушиву дулуннав, Зиябут-тин вихьхьунгу, вил кулпатрахь-хьунгу, оьрчIахьхьунгу. Барачат бишиннав ас-намус лавайсса зул кьушлий.

Имара САИДОВА

Суратрал барашин

Вай гьантрай ЧIарттал жямат субботникрайн бувккун бия



Субботникрал гьурттучитал: Аьлисултанова Написат, Аркуева ХIаписат, Мирзаева Ирина, Аркуев МахIаммад ва ХIусайнов Саадуллагь

Учительтуран кумагран

Лакку маз: аьламатру ва эмаратру

ЛАККУ АЛФАВИТ

Аа	Аь аь	Б б	В в	Г г	Гь гь
Гь гь	Д д	Е е	Ё ё	Ж ж	З з
И и	Й	К к	Кк кк	Кь кь	Кь кь
КІ кІ	Л л	М м	Н н	О о	Оь оь
П п	Пп пп	ПІ пІ	Р р	С с	Сс сс
Т т	Тт тт	ТІ тІ	У у	Ф ф	Х х
Хх хх	Хь хь	Хь хь	Хьхь \x1	Ц ц	Цц цц
ЦІ цІ	Ч ч	Чч чч	ЧІ чІ	Ш ш	Щ щ
Ъ	Ы	Ь	Э э	Ю ю	Я я

Лакку маз багъайсса куцуй уттигу ххал къабивгъусса, хъирив къалавсса мазну чІалай бур ттун. Мунияту мазрал сакиншиннагу, му ишла баврил тІалавшиннугу мяълумну кІулсса чІявусса бакъар. КІулгу ча хъунсар: школаулу мунил лексикагу, грамматикагу лахъхъин, му ишла баврил къараллу, лакран цацІусса чичрулулмур мазрал тІалавшинну ххал дигъинсса дарсру, ссятру хъинну чансса дур. Мунил морфологиярив, хаснува существительный ва глагол, хъинну пурмардал авадансса бур, мазрал (гъалгъалул) «тямаданугу» синтаксис бур, ччимур мукъуа жумлалул (предложениялул) ччимур член бансса каши дусса. Масала, цІанил (существительныйрал) мукъуцІалунния лирчусса падежру (даххана хъанахъисса пурмарду) дур, ми циняр пурмардугу му мукъуа жумлалун аьркинсса член бан ишла хъанай дур. Масала, *канихъ* тІисса падежрал пурмалия бан бюхълай бур ччарча определение (*канихъсса лу, канихъмур ниша*), ччарча обстоятельство (*лу канихъну*). Ми оьрус мазраву кунмасса, так суффиксирттал кумаграйнудляхъанбайсса, словардаунгу бичайсса прилагательныйрду, наречияртту (гъалгъалул бутІри) бакъарча, дайлигІуллул хъирив сипатрал, тагъарданул суффиксру бивхъуну, аьркинсса предложениелул члендалийн кІура дарсса кІайра падежирттал пурмарду дур. ЦІанил хъхъичІ духъурча падежрал пурма, ца-ца чІумал хасъсса суффикс-*сса* аьркин хъанайгума бакъар (*БакІуй мащи, аьрайн гъавккури* ва ц.).

Тагъар укунсса духъувкун, маз ххираминнангу дакІ дакъинсар, учительтурангу кумаг хъунсар тІий, ттун пикри хъунни цаппара захІматсса, цалийн къабувкІсса масъаларттая ттуламур пикригу бусан. Миннуву бур мукъул пурмарду тІайлану дузал даврийн, махъру зумух ласаврийн (орфоэпиялийн), махъру тІайлану чичаврийн (орфографиялийн) багъайсса масъалартту.

Уттигу багъайсса куцуй хъирив къалавсса масъаларттуну хъанай бур жула лугъатру ахттар баврицІун бавхІусса кІанттурдугу. Жува буру 1966-ку шинал С.М.Хайдакъовлул чивчусса «Очерки по диалектологии лакского языка» тІисса луттирай гъашиву дурну, куртІну лугъатирттаха къазий. Масала, ттун къакІулссия хъовхъиял гъалгъалулу чІачай пурмалул ахирданий-й бикІайшиву (*цІуллу аннай, хъинну учІаннай*). Сайки бувагу ххал бивгъуну бакъар ккуллал лугъат – ттучІа ца студенткал мунияту дипломрал даву чирчуна, чІявусса ттинин элмулуву ялун къаливчусса затру муниву буссия. Мукунна дакъар хасъсса даву вицІхъиял лугъатрая бусласисса: чІявуми жула лингвистьтал бур, ай, П.К.Услардул XIX-мур аьсрулий лакку мазрая чирчусса

давриву му лугъатри ххал бивгъусса тІий, мунал информант Аьбдулла Оьмаров ккуркличу ушиву хІсавравун лавсун. Амма му мукун бакъар, Н.С. Джидалаевлул ккаккан бувну бур тава заманнай лакку мазрал циняв лугъатирттал ялтгусса литератур мазрал жура сакин хъуну бивкІшиву, му маз, гайгъай, циняв дурккусса лакрангу кІулну бивкІсар. С.М.Хайдакъовлул мунийн «старокумукский диалект» увкуну бур, гъамин му «диалектрай», тІайлану учин, бухмур литературий мазрай, чирчуну дур сайки жула заманнай (XX-мур аьсрулул дайдихъулий) Аьли Къаяевлул элмийсса давурттугу («Лакку маз ва тарих», «Лакку мазрал грамматика»). Му П.К.Услардул грамматикалуву (1890) ишласса мазгу та заманнайсса литературий маз бушиву тасттикъ бансса ягу инкар бансса цучІав къаувккунни. Му мазравусса личІишивуртту цІана дур чІявуми лугъатирттаву (Лакку билаятрал къиблалул къирагърайсса Хъусрашийл лугъатрая тІайла хъуну, ухсавнил къирагърай, ЦІахъардал дазуйсса Къубиял лугъатрайн бияннин), ххишалдаран мува маз бур Аьли Къаяевлул ишла бувмугу, та чІумал Гъумучиял лугъат хъинну баххана хъуну бушиврухгу къулагъас къадурну. МуниятуранатІутІисса, цуппавицІхъиял лугъатгу хъирив лавну, уттигу ххал бивгъуну бакъар. Гъай-гъай, бухъунссия Аьвдуллагълул цала лугъатравассагу махъру, вариантру ишла бувну, амма мугу кІул бувну бакъар. Масала, му давриву бакъар вицІхъиял лугъатрал ца яргсса аьламатну хъанахъисса, цаппара кІанттурдай аьчух чІурду (гласныйрду) бакъа хъанахъисса тагъар: *кІясса* (лит. *кІяласса*), *хъри* (лит. *хъхъири*), *хлу* (лит. *ххулу*) ва ц.

Мадарасса цІусса затру кІул хъунссия жунма багъайсса куцуй хъусрашийл лугъатгу ххал бивгъуну бивкІссания. Му литератур мазрал жура лун ккалли бувну къабивтун бур. Амма муниву ччарча лексикалуцІун, ччарча махъру сакин шаврицІун, ччарча грамматикалуцІун бавхІусса затру бур цІанасса литератур мазраву баххана хъусса; масала: *авгъунни* (лугъ.) – *авгъунни* (лит.), *бухъулу* (лугъ.) – *буххІулу* (лит.), *вицІату* (лугъ.) – *вища* (лит.), *театрданухун гъан* (лугъ.) – *театрданувун* (театрданийн) *гъан* (лит.), *танаха дацин* (лугъ.) – *таначІату дацин* (лит.) ва м.ц. МахІатталсса зат, лакку мазрал глагол ахттар буллалисса ХІ.Б.Муркъилинскийн, С.М. Хайдакъовлун, Н.С.Джидалаевлун. И.Х. Аьбдуллаевлун хІсав хъуну бакъар глаголданул 3-мур лицорал пурмарду (*учІай, ласай, чичай*) кутІа причастиялия хъусса душиву, миннувугу хъхъичІва тасттикъ бай бутІа-*ри* (-*р*) бивкІшиву, му яхъуну бунува ккуллал, ваччийл лугъатирттаву (*учІайр, ласайр, чичайр*). Му бутІа бусса куцуй яхъусса цІуххай формарду хІсав хъунурагу

дакъар (*учІайрив? ласайрив? чичайрив?*). Циван? Ми дакъатІий П.К.Услардул давриву, дакъатІий оьрус мазравугу цІуххай наклонение.

Лугъатру ххал бигъинми уттигу букканхъуви куну, на ттула чичрурду хас данна литератур мазрацІун бавхІуми масъаларттан. Миннуву ца яла ччанавккунур хъанай бур жинсирал (грамматический классрал, группалул) масъала.

Лакку мазраву жинсирал категориялул бугълагъисса кІану. Жинсиравун буххайсса ва жинсирдайх баххана шайсса махъру

Лакку мазравугу, чІявуми дагъусттан мазурдивугу (авар-аьнди-цезналми, даргиял, табасараннал, арчийл) хъунмасса, хъинну агъамсса кІану бувгъуну буссар жинсирал категориялул: яни цавай махъру (цІарду ва цІардуну ишла бувми махъру) буссар жинсирдайх бавчІуну, яни цания-ца жинсиравун бухлай, гайми тІурча (глаголлу, цаппара прилагательныйрду, наречияртту, цаппара падежирттал формарду, мюрш бутІри -*ва* /-*ра*-, послелогру *куна/ кунма /кунна*) буссар жинсирдайх баххана хъанай, яни цавувасса, баххана хъанахъисса аффиксирттайну жумлалул гъанулувусса цІанил падежрайсса махъ ккаккан буллай (*Оьмар увкІунни – ПатІимат бувкІунни, ПатІиматлул къатта бавхъунунн, хъю дархъунни*).

Жинсирал категориялуцІун бавхІуну чІурчІав дансса масъаларттуну хъанай бур вай затру:

1) Цинявпагу цими жинс буссар (грамматикалул термин хІсаврай ва махъ ишла банна бур учаймур жинсирай), ссайн бувнур му кІул байсса?

2) Махъру жинсирдайх бачІавриву мяъналухъ ци бияла буссар?

3) Мукъул формарду (падеж, аьдад) сакин шавриву жинсирал цукунсса кІану бугълагъиссар?

4) Жинс ккаккан дайсса аффиксру ва миннул вариантру.

1. Жинсирдал аьдадрал хІакъйраву

Лакку мазраву цими жинс дуссарив хъхъичІва-хъхъичІ кІул бувну бур П.К.Услардул давриву. Мунал хІсавравун лавсун бур цІаницІун бавхІусса мукъулу (мукунсса махънугу лавсун бур глаголлу *ур, бур дур*) ца аьдадрал ва чІяру аьдадрал пурмардаву цукунсса дурив жинсирал аьламат (классрал показатель). Ца затрайн *ур*, ххишаламиннуин *бур* учайми махъру бивчуну бур цалчинмур жинсиравун (*адимина ур – арантал бур*). Ца аьдадрай *дур*, чІяру аьдадрай *бур* учайми махъру бивчуну бур кІилчинмур жинсиравун (*царсса дур – хъами бур*). КІирагу аьдадрай *бур* учайми бивчуну бур 3-мур жинсиравун (*душ бур – душур бур*),

кІирагу аьдадрай *дур* буми бивчуну бур 4-мур жинсиравун (*ка дур – кару дур*). Элмулуву ва П.К.Услардул принцип зийнна дур, му тІайлашиврий щак учинсса кІанттурду бунугу. Мунияту бухъунсар школалулмур грамматикалуву ХІ.Б.Муркъилинскийл, так ца аьдадрайми махъру хІсавравун лавсун, шанма «группа» личІи бувсса: ур группа, бур группа, дур группа. Яни, личІину хъаннил группа личІи къабувну, мигу багъну бур «дур группалувун». Мийжаннугу, лакку мазраву аьжаивсса, чувчІав дакъачІинсса тагъар дур: шар хъуннин, хъамитайпалийн *бур*, шар хъуну махъ *дур* тІун ккаккан бувну бур лакку мазрал. Литератур мазраву чІяру аьдадрай миннайн *бур* учин аьркинссар тІар.Аммамазравувааьжаивсса«къанун» шаллу хъанай дакъар. Цалчин, чІявуми лугъатирттаву *дур* учай чІяру аьдадрайгу (*хъами дур*). КІилчин, литератур мазраву ца аьдадрайгу хъаннийн *бур* тІий бур, *дур* учаву га хъамитайпа кьокьин баврин, аьвамшиврун ккаллину бур. Ласнал бакъа шарссанийн *дура-дакъара* учайшиву къакІулли (мугу циняв ласураврал къаучайхъунсар), махъминнал хъаннийн *бур* учай, бюхъай так махъа учайсса бикІан *дур. Жалин дуцІайсса* дунугу, ичІувассаннал ганийн оьрмулукхума *жалин* тІий ва *бур* тІий личІай. Ихтилатравугу, цуксса хъуннар хъусса къари дунугу, ганийн иттату иттав *дур* учаву мяърпат дакъашиврун ккалли бай. Так цаламиннал, гъанминнал учай ганийн *дур. ЧІалачІиссаксса*, ва 2-мур классравун багъайсса махъру хъинну чансса бур: *нину, царсса, дада, аму, бава* ва укунсса цаймигу, ахирданий суффиксрайн бувксса -*цар* тІисса бутІа буми (*архІалицар, чІаххувицар* ва ц.). Ча, вай махъругу исключениелун ккалли бувну, хъамигу литератур мазравун ца жинсиравун, *бур* учаймунивун багъну къуртал хъуну чІалай бур. Школалийгу шанна жинс ххал бигълагъаву тІайлану чІалайбур, амма жуласловардавулирчІун дур гара П.К.Услардуа нанисса тура – мукъра жинс (класс) личІи буллалаву. Тендециярив цамур дур: цаппара лугъатирттаву хъами хъинну цІакъну ца классравун, *дур* учаймунивун, багъну бур (бархъаллал мивува бур душругу), литератур мазраву тІурча ми «гъаз бувну» бур душваралмур классравун, циняннайн *бур* увкуну. *Бур* ягу *дур* учаву стилистикалул ярагъуннийн кІура бавну бур. Адиминайнгума, га кьокьин ан, *дур* тІисса кІанттурду жула прозалувугу, диалогирттаву чІявуну хъуна бакълай бур.

2. Жинсру личІи даврил мяъналуцІун бавхІусса хІуччарду

Гъу, битанну тти ва масъалулсса жува бувну: 3 жинс: **ур, бур, дур**. Утти бурганну цуми затирттайн (предметирттайн) учайссарив **ур**, цуминнуин учайссарив **бур**, цуминнуин учайссарив **дур**. Вана шиккур жула мазрал ша бйякълакьисса. Мяъна хІсавравун ларсун, **ур** учин бюхълай бур так арантурин, яни бурхъничувнайн. Инсаннан къаккаллисса *Аллагъ, Зал, малаик* бухлай бур вава **ур** жинсиравун, амма шивун бивчуну бакъар *Иблис, жин, цийтІан*. Арантурал жинс хъанай дур мазраву яла мяълуммур, цІакъмур жинс. Гайми жинсру личІи давриву ца мяълумсса хІучча бакъар. **Бур** учаймур жинсиравун бухлай бур хъамигу (на кІий увкусса куцуй – сайки циняв), рухІ думи затругу, рухІ дакъами затругу. Амма рухІ думи затру ва жинсиравун сайки цинярда духлай дур, арантал личІаннин (хъами, хІайвант, жанаварт, ушу-шулгъи). Чанкъансса исключениеартту ккаллирагу къадансса дур (*ххяццу, барзукка ...*). Амма так укун бивкІссания (арантал – рухІ дусса махъми затру – рухІ дакъами затру), ялагу бигъая. Лакку маз муний бавцІуну бакъар: рухІ дакъами затру



Учительтуран кумагран

Лакку маз: аьламатру ва эмаратру



1-мур ЦувкIуллал школалий лакку мазрал дарсру дихълахъисса учительница Умамат ХIусайнова



парай дагъну дур **бур** учайминнунун, гайми – **дур** учайминнунун. Ми мукун дачIавривугу цIанасса мазраву цукунчIавсса канил бугъансса хIучча чIалай бакъар. Мияжанссар, хьюмуи затру чIяруми **дур** учаймур жинсиравун дурххун дур (*цин, накI, хIан, навт* ...), амма шивугу **бур** учайсса махъругу бур (*вит, сок*). Циваннив *сав дур, лухчи дур, ар дур, аьрици дур, хъу дур*, амма *къур бур, марица бур; нех дур – бял бур, хъхьир бур, царацци бур; чIун дур, ссят дур – замана бур, лалIза бур, мутта бур; къатта бур, ппал бур – чIаркIу дур; чIира бур – магъи дур; варагъи бур, къукъу бур – парш дур, къуткъа дур; кIичIу бур – вартIа дур; маз бур – ккарччи дур; нувици бур – къур дур; суал бур – жаваб дур*. Ва сияхI чIиссаксса лахъи дан хьунссар, амма укунмагу чIалай бур вай мяъна хIисавну гъансса кюрттавун бухлахисса махъру личIи-личIисса жинсирдавун багъаврил савав ци дуссарив бувчIин шайсса дакъашиву. Жула маз ваца бачIи ххулий бавцIусса хханссар, вайми дагъусттан мазурдиар махъун багъну. Лезгиял мазурдиву (цивппа лезгиял, агъуллал, рутуллал, цIяхъурдал) жинсеру дурагу дакъассар, духларгссар. Яруссаннал ва даргиял дур хъинну лаласун бигъасса жинсеру: арантал (*вас вуго*), хъами (*яс йего*), махъми затру (*чу буго, бетIер буго, чед буго*). Мунияту хъинну захIматну бур лаккумазкъакулминнанлахъхьинбангу, кIулминналгу цала-цала лугъатирттаву инсантал бакъами затру 2-мур ягу 3-мур жинсирай ишла бавриву личIишивуртту хъуна дакълай дур. Цавай бур *ихтилат дан* тIий, гайми *ихтилат бан* тIий, *аьнакIул оьрчI дур* тIий цавай, *бур* тIий – гайми. МугубикIанссия, агарда, тIайлами журу тIий, турлих талан къабуккайсса бивкIссания. Вана укунсса мурчIи маша бувну бур жунма жула мазрал.

Ва ишираву чIалай бур хъинну архсса заманнаясса ишара лирчIун душиву – ляличIину ккаккан бувну бур арантал, бияла цахъ буми, активми хIисаврай, учиннуча, яла бусравми, гъаз бувми ми хъанай бур. Махъми затру,

ца жинсиравун дирчуну, мунил вив цIубутIуй личIирагу дурну дакъар. Му зат тастикъ хъанай бур: 1) ккаккан бай цIанинкIанайми ца аьдадрай баххана хъанахъисса куццуву: *ганал* (адиминал) – *ганил* (шарссанил, оьлил, ницал, бакIрал, чарил); 2) суффикс **-ма** так арантурал цIардашчал ишла хъанай бур, **-мур** – циняв махъми мукъурттишчал. Яла махъ цIардал кIира жинс – **бур** ва **дур** – личIи даву цишава мазраша лаласун къавхъусса масъала бур: бухъунссия та заманнай ца цукунсса бунугу хIучча, яларив му хIучча баякъуну, цIарду хIала дурххун дур. Инсантал – кIулли думи, ва затру – кIулли дакъами личIи шаврил масъалагу шалва чулийн багъсса бакъар. Циван? Мукун учинсса хIучча жула так ца бур: инсаннайн **цу?** учайссар, къаинсаннайн (затрайн) – **ци** учайссар (*цил?* – *ссал?*...) тIий буру жува. Му цана мукун бур, амма та аьвзал заманнайгу мукун учайсса бивкIшиву жунма къакулли. Литератур мазраву ца цамургу хIучча буссар хъами арантурашал архIал кIулли думи затирттавун бухлай бивкIшиву тастикъ буллалисса. ЧIяру аьдадрал пурмардаву ккаккан бай цIанинкIанайминнул ляхбутIрайну ми кIива жура личIи хъанахъишиву: *гайиннал* (инсантурал, арантурал ва хъаннил) – *гайиннул* (махъми затирттал). Амма мукунсса ишлашин ттун ттизаманнул грамматикалуву бакъа хъуна къабавкъунни. П.К.Услардулгу хъаннил цIардан кIанай *гайиндул* ишла бувну бур (арантурал – *гайиндал*), жула чичултрал мазравугу сайки циняннал, хъаннияту гъалгъа тIутIийни, *гайиннул* тIий чивчуну бикIай. Ча, учин ччимур цир: лакку мазраву личIи дурну диркIун так кIира жинс: арантал ва цинярда махъми затру. Так яла, махъ, цайми жинсругу личIи хъанан диркIун дур, амма хъами махъми затирттая личIи бансса мажал лакку мазран къавхъуну бур. Циваннив ялунгума хъами душварая личIи бувну, рухI думи затругу дусса жинсирова (**бур**) буккан бувну, так рухI дакъами затру духхайсса жинсиравун (**дур**) бивчуну бур. Так махъ заманнай бур хъами ми жинсирова буккан хIарачат

буллай, стилистикалул ресурсру ишла дурну.

3. Мукъурттил пурмарду сакин шавриву жинсирал бугълагъисса кIану

Ва суалданун жаваб дуллалийнигу чIалай бур 1-мур жинсирал (**ур**) личIишиву душиву. Му зат тастикъ хъанай бур: 1) зунххи гъанурдал ляхбутIраву; 2) чIяру аьдадрал цIанил падежрайсса пурмардал аффиксирттаву (дайлитIурттаву).

Арантурал жинсиравун буххайсса чIявуми мукъурттил зунххи падежирттал гъану сакин хъанай бур ляхбутIа **-на** ишла бувну: *чувнал, арснал, ласнал, ханнал, малланал, учительнал* ва ц. Так цаппара мазрал чIанулува бивкIсса мукъурттил пурмарду цамур куццуй хъусса дур: *бутта-л, уссил (уссу-й-л), оьрчI-а-л, ттатта-л*. Мува ляхбутIа цIанинкIанайминнуну бушиву ялув кIицI лавгун буссар (*ганал*).

Бюхъай цIардавугу, цIанинкIанай-миннуну кунма, гайми мукъурттиву **-ни** бивкIун бикIангу: *душ-ни-л, шарсса-ни-л, дакI-ни-л, ар-ни-л*... ЦIаналугъатирттаву ва ляхбутIа бусса махъругу гъарзасса бур: *чи-ни-л, сси-ни-л, къат-ни-л* (лит. мазраву **-лу**- бусса кIанай).

ЧIяру аьдадрал пурмардаву тIурча яла ишламур аффикснуну хъанай бур **-тал**, хаснува цайми мазурдива букIлакIисса мукъурттиву: *кумагчи-тал, усттар-тал, учитель-тал*... ЧIяру аьдад цайми аффиксирттал кумаграйнугу шайсса дунугу (*уссу-рвал, ссурахъ-ал, оьрчI-ру, зузал-т, мурчIу-лт, ттатта-хъул*...), амма ми чанну ишлану бур, цивпагу жинсиратIун бавхIуну бакъар.

4. Жинсирал категория ишла бавриву хъуна дакълакъисса захIматшивуртту дархIуну дур муниву ишла байсса жинсирал аффиксру гъарзасса бушивруцIунгу, цаппара пурмардаву ми бакъа хъанай ягу чан хъанай бушивруцIунгу

БикIлила аффиксруну ккалли бансса бутIри цIана мазраву шанма бур: мукъул

бакIрай аьчух чIунил хъхьичI бакъава хъусса **в-**, яни нульданул аффикс (1-мур жинс); **б-** (элмулувусса аьдатравун багъсса 3-мур классрал показатель); **д-** (элмулув – 2-мур ва 4-мур классрал показатель). Вайннул история-этимологиялия гъалгъа къатIунна, цIана лакку мазраву вайннул бур личIи-личIисса, фонетикалул къануннайн бувну баххана хъусса вариантругу. Аффикс **в-**, увкусса куццуй, чIявумур чIумал нульданийн кIура бавну бур (*аххан, иххан, уххан; шихун-ай*). Аьчух чIурдал хъиривсса инфикс **-б-** кIура бавну бур **-в-** лийн, мунияту цаппара пурмардаву 1-мур ва 3-мур жинс личIи хъанай дакъар: *оьрчI лавгунни – души лавгунни*).

3-мур жинсирал аффикс **-б-**, **н-**лул хъирив **м-**лийн кIура бавну бур (*ттунба – ттунма – ттумма*), кIилийнусса **бб** пп-луйн кIура бавну бур (*цубба – цуппа*).

2-4-мур жинсирал аффикс мукъул бакIрай аьчух чIунил хъхьичI бур **д-**лул журалий (*дизан*), мархлул вив аьчух чIунил хъирив бур **-р-**лул журалий (*дирзунни*). Пурмалуву кIива аффикс цачIун хъуний, ми кIивагу жура цачIу хъуна бакълай бур (*цурда*). Вай кIилийнусса аффиксру чIалай бур, масала, вай мукъурттиву: *цува* (1) – *цуппа* (3) – *цурда; шава – шаппа – шарда; къатIувай – къатIунпай – къатIурдай*.

КутIа буллай, учин аьркинну бур: жинсирал категория лилалисса, зия хъанахъисса категорияр. Му мукун бушиву ккаккан бан буцинна кIива хIучча:

Лакку мазраву диркIун дур кIану ккаккан байсса, ахирданий жинсирал аффиксру бусса падежирттал серия, кIану ккаккан байсса цIардаву ва наречиярттаву: *арив /ариб /арип; къатIув /къатIуб/къатIур; цяв /цяб/цяяр* ва ц. Ва формалин цаппараннал инессив тIий бур (виваллил падеж), амма ва инессив дакъар, инессиврал буссар аффикс **-ву** (цуппагу **-бу**-лул вариант), му кутIа барчагу жинсирдайх баххана къашайссар. Ва тIурча гъартасса кIану ккаккан байсса пурма дур. Вай кIирагу сериялул падежругу личIи-личIину хъанай дур:

Инессив: къатлуву – къатлува – къатлувух – къатлувун – къатлувунмай

Интерэссив: ратIув – ратIату – ратIух – ратIув(н) – ратIунпай

ЦIана ва журалул (интерэссив) пурмарду жинсирдайх даххана хъанай дакъар, амма хъуну дур цаппара лугъатирттаву, мукъурттил пурмардавугу (*цявикIу – цяпбикIу – цярдикIу; лурсса, ялурзу* ва ц.).

Бакъахъанай бур жинсиралаффиксру л-лул хъиривугу: *цала билаят (цалава билаят), цала дунял (цалла дунял), цала арс (цалва арс), цала душ (цалба/цалва душ), цала шарсса (цалда/цалла шарсса)*. Цаппара мазрал къаралчитал бур укун махъру ишла буллан къадагъа дуллай, ми дахханашивуртту хъун къаритлай. Му къабюхъайсса затри. Ва процесс байбивхъуну бур XIX-мур аьсрулийва, укунсса вариантругу ккаккан бувну бур П.К.Услардулгу. Мунияту маз цила ххулий цуппа най битан аьркинссар: бикIуча ми личIи-личIисса, литератур мазраву къамулсса вариантругу.

Баххана хъуну, личIисса мяъна хъуну дур инфикс **-в-**лул цаппара къиблалул лугъатирттаву: миннуну ишла хъанай бур баххана къашайсса инфикс **-в-** : *мурхъ къавкъунни* (3 жинс) – *къартта къавкъунни* (4-мур жинс, лит. мазраву – *къаркъунни*).

Укун лакку мазравугу жинсирал категориялуву личIи-личIисса даххана-шивуртту хъанай дур.

Хъиривугу буссар

Филологиялул элмурдал кандидат,
доцент Р.Г.ЭЛЬДАРОВА

Пишалул байран

«Цусса кьатри дуллансса кьадагъар кьахъинсса»

ХьхьичІра-хьхьичІ Строительна кьинилул байран дурну дур Совет Союзрай 1956 шинал августрай. Тания мукьах гьар шинай дувай.

45 шин строительнал даврий дурсса, Цусса кьатри хьуна хьусса, 1-мур ЦувкІратусса Шагьабуттиннул арс ХІажикьурбанов Сайдуннушал, Дагъусттаннал лайкь хьусса строительнашал, жул уттинингу цимилагу ихтилат хьуссар. Ванал балжинув, бувчІинну бусай строительствалул дуняллий ци иш-тагъар дуссарив, цукунсса дахханнашин-нарду, хьхьичІуннайшивуртту ва дахчичурду дуссарив. Ванашалли жул ирглийсса, аьдатравун багъсса ихтилатгу.

1977 шинал Дагъусттаннал политехнический институтраву инженер-строитель шайсса факультет кьуртал бувайхту, Сайдун зун тІайла увккун ур Аьшттарханнайн «Каспрыба» трестрайн. КІира шин микку зий дурну дур. Яла Хасавюртлив агъали яхъанансса кьатри, школарду ва оьрчІансса садикру буллалисса СМУ-5-лий зий ивкІун ур 1992 шинайнин. Шанна шинай зий ивкІун ур Германиянаву Совет аьралуннал кьатралсса буллалисса управлениялул хьунаману. 1992 шинай 2003 шинай иянин Хасавюртливсса «Ремстрой» тІисса компаниялий каялушиву дулай ивкІун ур. 2003 шинал МахІачкьалалив тІалав увну ур, зий ивкІун ур АСД (архитектура, строительство, дизайн) тІисса компаниялул мурадду бартбигъай директорну. МукуьІалунниха лирчусса шиннардил мутталай хьун дурсса Сайдуннул бюхъуллул ва хІарачатрал ахъулссаннул хІасиллугу оьккисса дакъар: агъали яхъанансса 37-ра кьатри дурну дур, мукунма 5 школа ва 4 оьрчІансса ясли-садру бувну бур.

– Сайдун Шагьабуттинович, жу цал бакІрайва дакІнийхтуну барча дулай буру вилгу, вишал архІал Дагъусттаннал циньявпагу Строительтурал профессионал байран! ЧІярусса шиннардий агъали ххари буллансса кьатригу, цайми давурттугу дуллансса цІуллушиву дулланнав зухъхьун! Цукунсса асардашал ва пикридашал хІадур хъанай ура байран кьинилийн?

– Барчаллагъ. Строительствалул давришал ва хасну строительтурашал дахІаву дакъасса инсантал бакъахъунссар дуняллий, ци пишалул бухъурчангу. Цусса кьатри, дачарду дуллалиний, ягу дурми дакъин, цІу дуккан дуллалиний строительтурайн буккан багълай буну тІий. Жула Дагъусттаннай, хаснува МахІачкьалалив, строительствалул бавхІусса биялсса аваза буссия. Дуллалисса даврил лагру хІисав дурну, жула хьуншагъру багъайссия Аьрасатнал хьхьичІунми ххюва шагьрулул сияхІрайн. Цусса кьатри, садикру, школарду баврил даву сантирай, нирхиравун руртун най дуссия. Вай махъсса 3-4 шинал мутталай му даврил буши биялну хІура бувккиссар.

Строительствалул агъамсса

Августрал кІилчинмур алхІаткьини дуняллий ца яла бусравмур пишалул залуннал, Строительна кьинир. Профессионал байранни. Ва байран дувай Аьрасатнаву бакъагу, СССР-данувун духлай диркІсса билайтирттай ва республикардайгу. Гьашину байран кьини хъанай дур августрал 9-нний.



Сайдун ХІажикьурбанов



масъалартту ххал бигълагъисса совещаниярдай кІицІ лаглай бия, чІяру зивулийсса кьатри дуллалаву жучІара сантирай най дакъашиву ва му нирхиравун, цила ххулийн рутан чанначанну 5 шин аьркиншиву. Ва тІайласса пикрир.

Цайми производствардах бурувгун, строительствалул буши цІунил лябуккулийн буцин захІматссар: стройка дуван ихтияр дуллалисса документру дузал буван, проектно-сметная документациялул иш дузал бувну, коммуникациярдансса (шинаххуллурду бувансса, ттукІ буцинсса, канализациялулсса, газралсса буван) рязийшинна шагьрулул администрациялия ласун. Вайннуийн кутІану «технические условия» учару. Мукунма стройкалунсса материал, техника машин ласун, зузалт лякъин. Ва даву нирхирова дуккан ритарча, цІунил цІу лаган дуллан бигъану кьабикІай.

– Строительствалул даврийвусса тамансса диялдакъашивуртту ялун личин дурна республикалул цусса хьунама Васи-

сисса. Ва хъавринсса ххуллур. Шагьрулул администрациялул архитектурный надзорданул тахсирди. Вава идаралийри тахсир квартирарду машин ласун багъри буллусса инсантал квартирарду бакъа личІавриврил тахсиргу. Шагьрулул архитектурно-строительный отделданул вакилталгу, Строительствалул министертвалул вакилталгу ми кьатри гъаз даннин чун бурувгун бивкІссар? Ми зурул, дачІи шинал, хІатта шинал мутталай дурсса кьатри дакъархха. Цалтинмайну бавцІуну, ламу лахъан бивтуну, яла ламу лахъайхту жаваб тІалав дуллалаву тІайлашиву дакъар. ХІукуматрал чулухасса рязийшинна дакъа лахъкъатрал гъанурду бишин, чІиртту гъаз буллан кьашайссар. Ялув бацІаву дикІан аьркиннихха.

– Республикалул хъуниминнайн бувкминнав тамансса бия, ми кьатравун бивзуну яхъанай буссияв, буккан буллай, ялув магъи дакъа личІан буллай буру тІий.

– ТІайлассар, 80 процент ми кьатрал агъали бивзуну яхъанай буссар. 600 кьатри диялдакъашивуртту дусса, документру ба-

ну, цуми закондалул ххулийн буцин бурув ххал бувну, лирмур тІайладацІан дувансса даву дурссания. Гъаннайсса, уттинин дурмур дугу-дурурчуну, лайкьну гихуннай дачин дурссания.

– Сайдун Шагьабуттинович, стройкарду дарацІусса кунмасса ишния бакъар.

– Стройкарду аьлтта чІалай чан хьуссар. Арматуралул ва цаймигу стройматериаллал багъригу 25-30% гъаз хьуну бур. Яла агъали яхъанансса кьатри дуллаврил финансированягу банкирдайхчІинсса дур. Вагур застройщиктуран кьакулайсса шартІ. Банк цанмасса процент ласлай бур. Ва ялагу, застройщикнаша чъянива цанна аьркин дагъансса чІярусса стройматериал машин ласун хъанай бакъар. Застройщик чІувин увну ур, квартирарду ласун хияллайсса жагъилсса кулпатирттайгу кьия хъанай дур. ЧІявуминнал доходу гъаз хьуну дакъархха, янналия, ччатІуя квартирардайн кьабиллай бур. На нава цІанакул мунияту хьунисса объектру бакІрайн кьаласлай ура. Зунттал районнагу чІявусса строительтал бучІайва шагьрурдай зун, мигу кув архсса регионнайн лага-букІлай бур, кувгу давуртту дакъа бур. Дагъусттаннал строительтурал мундангу маэшат гъаз бансса ххуллуну бивкІссар стройкардай зузаву. Зун, захІмат булангу ххирасса, зий аьдатссагу бухъувкун.

– Ва иширава буккансса чаранну цукунссар, буси опыт бусса пишакарнал, экспертнал пикрирду.

– Республикалул хъуниминнал, шагьрурдал администрациярдал, строительствалул министертвалул кумаг буван аьркинни даву цІуницІа сантирайн рутан. Цусса кьатри дуллансса ихтияр дуллан Закондалул кьаралданий. Къулагъасрайн ласурчан, хьхьичІ ххуттай дуллан аьркинмунилсса биварча, строительствалул даврил буши-тагъар кьулай хьунтІиссар.

Республикалий даву ххуйну кІулсса строительтал чансса бакъассар. Миннал пагъмурду, бюхъу-гъунар жучІава ишлану хьиннихха.

Цува залусса магъи ялув дакъасса инсаннал дакІрахІатну кьадикІайссар, цачІава цува яхъананшиврул, квартира ласунсса каши дикІан аьркинни. Буллай байбишиннинма, гъанурду буланнинма учиннуча, 120-150 азарда кьурушран квадратный метр машин ласунсса цІакь бакъанай кьия хъанай дур. Агъалинан ххуйсса оьрму дузал буллалисса политика духъурча, вай ишругу хІисавравун ларссса дикІан аьркинни.

Строительтурал гъанумур мурад – инсантал рязий бансса, ххуйсса кьатрал дузал бансса бухъувкун. Жура дурсса кьатраву агъали рязийну хъанай чІалай, жулми дакІругу ххари хъанайхиссар. Давумур хІакьину кьабигъану дур царугу чулуха. Материаллу, транспорт, техника, цаймигу хІакъи-хІисавртту дур.

Ци захІматшивуртту дунугу, на ттулва пишалул уртактал барча буллай ура. Дуллайгу, дуван бюхъалайгу битаннав! ХІукуматралгу зу дуллалимунницІун кабакьиннав!

Ихтилат бувссар
ПатІимат РАМАЗАНОВАЛ

«Илчилул» календарь

Август зурул 10-нний 1950 шинал увссар жяматийсса ишккакку, бизнесмен Сайпуллагъ Абдуразакъов.

Август зурул 15-нний 1926 шинал увссар профессор Анвар Гъарунов.

Август зурул 15-нний 1937 шинал увссар скульптор Шагъмурза Бюрниев.

Август зурул 15-нний 1946 шинал увссар шаэр, чичу, журналист Рамазан Рамазанов.

Украин душнин ужагъну хьусса Гъумучиял роддом

Гъумук абад бунни РСФСР-данул лайкъ хьусса хАкин Анастасия Пыпал аьпа. Лаккуй цалчинсса роддом тИвтІуну 90 шин шаврин хасну, идара бивкІсса къатлул чІирай тІиртІунни цила оьрмулул яла язими шинну райондалул хъаннил ва оьрчІал цІуллу-сагъшиврул цІаний харж дурсса украин хъамитайпалул аьпалул ула.



Анастасия Ивановна Пыпа, 1935 шинал Ростовулал мединститут къуртал бавривун, зун тІайла бивкІун бивкІссар Гъумукун. Та чІумал гъарца зунттал районнай кунна, Лаккуйгу цІуллу-сагъшиву дуруччаврил тагъар диркІун дур захІматсса. БикІанмагу ацІва тахлинсса азархана ца хАкиннахун багъсса. ЦІансса зунттал агълугу ттизаманнул медициналийн щала вихшала дулай къабивкІун бур. ОьрчІ буллалисса хъами тІурча, хасъсса пишакарнал ка дакъашиврийн бувну, оьрчІах ливтІусса ишру къачансса бивкІун бур, я нину, я оьрчІ ххассал бан къавхъунугу личІайсса бивкІун бур. Му ппурттуву, зунттуха баргъ кунма, бивкІун бур Анастасия Пыпа Гъумукун. Гъамин, ванил сававсса канишІун бавхІуну бур Лакрал райондалий цІуллу-сагъшиву хъхьичІуннай шаврил тарих.

ЦІубутІуй жагъилсса хАкиннах вихшала дакъа буруглай бивкІсса агъали вих бансса иш хъуну бивкІун бур ТтурчІиял шяраву. Леххаврий бивкІсса Пыпан шяраваллил агълу льякъун бур шаву дирсса адаминая ка ларсун, ганах къулгъу-алхІам ккалай байбишин хІадурну. Гай бяличІан бувну бур: «Му хъин хъунтІиссар», – тІисса чІунил. Анастасиял анавархъиндарай шавугу шюршуну, дархІуну, тавакъю бувну бур мугълат бакъа азарханалийн иян уван. Ссаярив цукун-дунугу дарзусса носилкалий ивхъуну ур. Амма шяравучутал ганийн вихшала дакъа, ялагу хъунмасса хІаллай итакъакълай бивкІун бур. Ахиргу, жагъилсса хАкиннаша маз льякъин бювхъуну, къашайшала азарханалийн иян увну ур. Барз чІарах букканнин шяравучу азигу лавгун, цала ликкурттай шяравун увкІун ур. Га тІайлабацІу савав хъуну бур Анастасия Пыпал

цІансса зунттал агълуданул вихшала хІалал дан.

Мукъахунмай Анастасия Пыпал хъунмасса хІарачат бувну бур райондалий хъаннинсса консультация ва роддом тІитІин. Ахиргу жагъилсса хАкиннал махъ ххув хъуну райондалул хъуниминнал хІукмулийну роддомрахъхъун дулун машан ларсун дур кІизивулийсса къулайсса къатри. Гъарца аьркинсса матахІрал лашу-щаллугу бувну, цалчинмур зивулий тІивтІуну бур Родилное отделение ва кухня, кІилчинмур зивулий – хъаннинсса ва оьрчІансса консультациялул кабинету. Гай къатраву зугу зий, ялапаргу хъанай Пыпал хъуну дур къуния ххюра шин. ЦІубутІуй хъами бивкІун бур кІулбакъасса хАкинначІан гъан-бучІан ламусну. Амма ганиша бювхъуну бур оьрчІ бай чІумувусса хъаннил дакІиничІан вихшалдарал ххуллу ласун.

Къуния ххюра шинал манзилданий Анастасия Пыпал сипталый райондалул цІуллу-сагъшиву дуруччавриву хъуну дур ккалли дансса хъхьичІуннайшивуртту. АцІния мукъра шяраву тІивтІуну бур родилный отделенияртту. Райондалий ххюлий яларай дагъну дур вилттили оьрчІру литІаву, республикалий хъхьичІунсса ххуттайн бивкІун бур. Ванийн цийнаму вихшала бувну бивкІун бур личІи-личІисса къуллугъру: агъамма педиатр, хъаннил ва оьрчІал консультациялул хъунмур, хъунама хАкиннал хъиривмур, райондалул цІуллу-сагъшиву дуруччаврил отделданул каялувчинайн бияннин. Чялишсса диркІун дур ванил гьурттушинна райондалул жяматийсса ва политикалул оьрмулувугу. Райондалул депутат, райисполкомрал член, райондалул цІуллу-сагъшиву дуруччаврил ялув бавцІусса комиссиялул хъунмур. Лакрал района-

лул цІуллу-сагъшиву дуруччаврил ххуллий ванил бувсса дакІ тІайласса захІматран Дагъусттаннай бившуну бур лавайсса кымат – лайкъ хъуну бур «За доблестный труд в Великой Отечественной войне» медальданун, ДАССР-данул Верховный Советрал чулухасса ХІурматрал грамотарттан, «Отличник здравоохранения СССР» лишандалун, 1956 шинал лайкъ хъуну бур РСФСР-данул бусравсса хАкиннал цІанин.

1960 шинал Гъумуча бивзун нанийни Анастасия Ивановна Пыпан райисполкомрал ва райкомрал чулуха дуллуну дур агъалинал цІания барчаллагъ тІутІисса, цил багъа бакъасса захІмат ва къашайшалтрахсса аякъа хъама къаританшиву бусласисса ХІурматрал адрес.

Бусравсса хАкиннах аьпа учин бивкІми дакІнийн бутлай бия Анастасия Пыпа МахІачкъалалийн бивзун, гилу зузисса чІумалгума цила къашайшалтрал ялун биян бучІайсса бивкІшиву Гъумукун.

Райондалий цалчинсса пишакарсса хАкин дакІнийн бутан бивкІун бия азарханалул хАкинтал, идарарттал каялувчитал ва зузалт, Анастасии Ивановнал гъан-маччами.

Райондалул бакІчи Зураб Куччаевлул кІицІ лавгунни Лаккуй цІуллу-сагъшиву хъхьичІуннай даврил ххуллий Анастасия Ивановнал хъунмасса захІмат бивхъуну бивкІшиву.

«Циксса оьрчІру дунияллийн бивкІссар ганил ка сававну, циксса хъаннил оьрмурду ххассал хъуссар. ХІакъуну ганил аьпа абад баврийну, жува хъирив нанисса никиран ккаккан буллалиссару цуксса бюхттулсса буссарив ва бикІан аьркинссари цала пишалийн дакІ тІайлану бувсса захІматрал кадру-кымат», – увкунни ванал.

Райондалул хъунама хАкин АьбдурахІин Дибировлул кІицІ лавгунни цІуллу-сагъшиву дуруччавриву зузиминнан Анастасия Ивановнал цІа хъушиву эбратну. «Зунтаву цукунчІавсса шартІру дакъасса шиннардий захІматшивурттаягу нигъакъабувсуну, цила инсаншиврул ва къуллугърал бурж дакІ тІайлану биттур булла бивкІссар. Ганил дакІ тІайласса захІматгу хъамакъабивтун, жунма аьркинссар ганил даражалул хАкинтуращал архІал бацІансса хІарачат булла», – увкунни ванал.

Анастасия Ивановнал гъанчунал цІания ниттил аьпа абад бан бивкІминнах барчаллагъ увкунни душнил Саида ХІусайновнал. «Жул кулпатран хъинну бусрав хъунни жула ниттил захІмат дакІний бушиву, ганил цІа абад даврихлу. Ганил рухІ ххари хъунтІиссар цила захІматрад кадру агъаличІа ягъуну бушиврия», – увкунни ванил.

Аьпалул ула тІиртІуну махъ Зураб Куччаев хъунаавкъунни Саида ХІусайновнашала ва ванишала архІал ца классраву ду-клай бивкІминнашала. Ихтилат бия ниттил маз ябаврия, район хъхьичІуннай дансса чаранная. БавтІминнал райондалул бакІчинах барчаллагъгу куну, бувсунни цала пикрирду.

Зулайхат ТАХАКЪАЕВА

от 3.600.000 РУБЛЕЙ
до 4.100.000 СРАЗУ
- САМАЯ БОЛЬШАЯ ВЫПЛАТА В РОССИИ
от 6.500.000 РУБЛЕЙ ЗА ГОД

ЗВОНИ СЕЙЧАС | 8(8722)557700

Контракт чирчусса республикалул ялапарлувтуран дулай-ссар 3,6 млн къуруш цархІал:

- 2,7 млн къуруш – Дагъусттан Республикалул чулухату;
- 400 000 къуруш - Дагъусттан Республикалул чулухату махъ-ун бивтмур полкравун контракт чирчуминнан;
- 400 000 къуруш – федерал бюджетраву;
- 300 000 къурушрар къачансса – шагъурдал ва районнал чулухату.

Контрактникнал харж – 210 азарда къуруш зуруй.

СОЦИАЛ ХІАЛЛИХШИННУ ВА ГАРАНТИЯРТТУ:


- бюхълай бур ччяни къатри ласун Аьрасатнал Обороналул министрствалул счетрайну накопительно-ипотечный системалийхчил;
- къуллугърал къатри дулайссар ягу лаякъатрахлу лахъаву (компенсация) дайссар;
- Аьралуннал медициналул азарханалий уква ххал увайссар, хъин айссар ва реабилитациялий итайссар;
- Федерал бюджетрал счетрайну оьрмулул ва цІуллу-сагъшиврул страхование дайссар;
- 20 шинайсса къуллугъ бувну махъ хІаллихшиндарал (льготная) пенсиялийн уккайссар;
- талатаврил иширттал ветераннал статусгу, мунин хасъсса хІаллихшиннугу ккаккан дайссар;
- Аьрасатнал Федерациялул субъектирдал цал дулайсса ялун ххи дурсса арцу (единые дополнительные выплаты) ва гарантияртту контрактрайну къуллугъ буллалиминнан;
- кредитрал ва налогирттал каникуллу;
- оьрчІру вузирдаву дуклаки буллансса бюджетрал кІанттурду;
- контрактниктуран ябайссар цивппа зий бивкІсса зузи кІанттурду;
- оьрчІру уква бигъалаган тІайла буккайссар цІуллушиву цІакъ дайсса гъинттил лагерьдайн.

Аьралуннаву къуллугъ буллан язи бугъайсса кІанттурду зий бур жула циняв шагъурдай ва районнай.
Дагъусттаннай мукунсса кІану: 8(989) 484- 69- 95;
ДР-лул Военкомат: 8(8722) 68-16-08.

ЧИЯЩИ

Жула
шыраваллу


ВИХЬУЛ



НИЦИАВКИУЛ



СУНДАРЛ



БАРАЙМИ



БУРТТУН



МУККУР




ЩУНИМИ




ШУШИМИ





Жула
шыраваллу





Адабиятфал
лажин



Патимат Рамазанова

БУЦА НА, ЖЕГЪИРХХУЛЛУЙ

Буца на, жегъирххуллуй,
цунил буттал шяравун,
НякI-талатисса ссавнийн
хъачIру шусса зунттавун,
Нуххарисса ххялавух, къаннайх,
маршрайх, рахIавух,
Лаккуясса хIукъулл
хъунийнсса дуланттавух.

Буца на, жегъирххуллуй,
буттал къатлул буххъуллийн,
Буттайн кунма икрам бан
яхIлий бавцIу къапулийн.
Гъидядизулл бургъил
гъили дурсса нузкъунттив,
Нурданун лархъсса кунна,
тамашалун ядишин.

Буца на, цIунил буца,
лувчIинкъатлулун буца,
ЛувчIинний бавал цIуних
цIувну мякъ багъну бурча.
ЦацIун хъусса виримакъ иттату итххххарча,
Бавайн кунма варакуйин
хъямала багъанхъува.

Буца на, хъхъичI бавкъуну,
пачкъатлулун, ларзулун,
Бавал кIунттил дургъумур
цIувин дан хъзамравун.
Хъювусса кIарттухъ
яла бавахъ буса-учинмур,
Мурчал хъувун лавкIуну,
бусланссара лув-ялув...

ЗАНА ХЪУРА ВИЧIАН

Зана хъура вичIан, ттул буттал улчай,
ЛачIал суннил чIапIал ссувхIатрал хъюлчай!
Неххал тийсса маршайх занай бур цулчIа,
Хъуннабавал бувсъсса магърава буквсса.

КIийнмай, зунттул рахIув, ххотал аьнттуву,
Канай бур бячругу дянтту бувсса,
Кувссай чул бувну дур шилив оьрчIшиву,
ШанчIапIал кIараллу бакIрацI бивхъусса.

ХIаллих шардай най дур хIалликъурату,
Машай оьрму лавгсса ттул чIаххувкъари,
Къунну га дуркIуна жуннийн дуссухун
НисирайччатI бувну, инил къанкъ дусса.

Шяраваллил тихун авчунни къужа,
Хъу-лухччах мякънува ливчIра тIийнасса,
Шарашуй бившусса шютIуххул чIуний
Архну шюлли ардай ччаву къадиртсса.

КIарттуву цIу дихълай дур ттулмур бава,
КIарттул ччатI ххирасса бутта учIаннин,
Шюлли хъюрув лихлай нагу шябивкIра,
Къунниялай накъ дан, цIуинт хIаласса.

«Буца на, жегъирххуллуй»

Вай гъантрай, Дагъусттаннал луттирду итабакъай идаралий бившуну, дунияллийн бувккунни Дагъусттаннал халкъуннал шаэр Патимат Рамазановал шеърирдал лу. Шивун хъунмурчIин цацIун бувну бур авторнал махъсса шин-нардий чивчусса цIусса шеърирду. Луттиранссагу, авторнал творчествалунсса-гу къимат хIисаврай, луттирал бакIрай буллуну бур Качар ХIусайнаевал ва Роза Эльдаровал шаэр Патимат Рамазановал хIакъираву кумур.

Ва луттиравасса цаппара назмурду язи дургъуну, ришлай буру «Илчилул» адабиятрал лажиндарайгу.

ЦIусса лугу барачатну бацIаннав тIий, чIа тIий буру жулва даврил уртакъ Патимат Рамазанован цIусса-цIусса асарду, творчествалул ххуллийсса тIайлабацIуртту.

Ттул дакI дуван, кIана барзугу лехлай,
Тархъаншиврул накъич ссавруннай чичлай.
Зунттахун бахълаглай баргъ чIаларчагу,
Пинттал пар гъан бувар къурнил хъачIрая.

ВА ВАТАН ЖУН ДУЛЛУ ЗАЛ

ПпабакIуйн баргъ шуну бур,
Шуну-Зунттул дюхлу дур.
Жу Лакку билаятрай,
Яйлагърай – зияратрай.
Шюлли бартбису бувтун
ВацIилу бур къутI бивкIун,
РатIухсса цIуттуруллай
ЧимучIалтту бур ликлай.
ТтурчIи. ТтурчIайнна-Зунтту,
НякI ттуруллавух лултту,
ХIикматсса зурул чаннай
Караматну бур чIалай.
КIюрххи-къуннил Къимизу
Бакбислай бур хъхъемаву,
Хъхъев-хъхъев тIий, гъанай-гъанай,
ЧIаракIлу дур ширикIлай.
Жюр-жюр тIий ратIругу дур,
Къяхъа тIий шарашив бур,
Вайннул такъва-макъаннай
Жул макъугу дур дакълай.
Лаккуйин биян къавхъуну
ДачIи шин хъурча ххину,
Жун дуниял духлагай,
Биян хъурча – цIу лагай!
НякI ссавнил, шюлли зунттал
Дазурду хIала духхай.
Ва Ватан жун дуллу Зал,
Жул оьрчIангу ядакъай!

ДУХЛАРГУННИЯ ДАКЪАР ВА ДУНИЯЛ

Цумур-Шинал дагъанттувун буруглай,
Баргъ бур занай, ссахрив лулгай,
къус бикIлай.

Зунттурдашал, хъахъи лархсса ардашал
Адавращал кунма бура хавардай.
РатIухсса цIуттурулугу дур гъаз хъанай,
Ттуруллив кунна дакIгу дур оьлухълай,
Арцул варакърал щинал макъангума
ЦунцIуллул такъвалий дуссар тти баллай.

БюрукъатIри буркъай къудурну чIалай,
Хъус-хъиншивурттал лагътуравух бакъа.
Ссутнил суратру дур Лаккуй гъар кIанай,
ЦукунчIавсса мурчал, дякъил хIахI бакъа.

НякI ссав. ЛивцIу шарашив.

КIюрхнил гъава.
Лерххун най дур шинну, янил ляпI чиннин!
НеххацIухсса ххяллул ялун гъаз хъура:
...Духларгунния дакъар ва дуниял!

ССУТНИА ССУССИН ДУРНУ ДУР

Ссутнил ссуссин дурну дур
Лаккуй шюлли зунттал нур.
Ттуруллал чалагъайрду
Ссавнил ххануйн руртун дур.

Тихах, архний, зунттурдал
КIяласса къуттакъяпрайн,
Ссутнил хIахIлищал архIал
Щуну дур бургъил туран!

Шуну-Зунттул шюлли хъа
Хушрай хъахъимунишал
Даххана дарча бакъа,
Ччалан къашай ссутнишал.

Хъахъину кIяларххусса
ТIутIайн къеп тIий бур шярлу.
Ватандалул хIалалсса
Нарза ласлай ттухлугу.

Намур гъанна ялавай,
Бигъашивурттал лагъну,
Лаккуйсса ссутнил нарза
Уттигу къанясивну...

ВАНА НА, АХИРГУ, ЛАККУЙНМАЙ БИВНУ

Вана на, ахиргу, Лаккуйнмай бивну,
Лаккуйн бияврия дакIгу ххарину,
Парадрайсса вирттал кунма зунттурду
Тайнна къилигъ дуну ссурулун шуну.

Шикку мурчан кIулссар на цурав, ттул цIа
ЛанцI учин ттул канийн най тана кацIа,
Шикку гъарнан кIулссар на щил буссарав,
Щил лашин дуссарив, чун най буссарав.

Шиккур ттул шардалу, шиккур рахIатшин,
Хъунаавкъсса гъарнал яхши-хашрал нур,
Гъарнанний хIадурссар ттун хъамалушин,
Къамачча къаригу шикку ттул нинур.

ОьрчIинява кIулссар циняв къапулду,
Кучардайсса чартту, чарил кIаланну,
КIана цIияллайхгу чIивидуш лечлай,
ЧIивиний на кунма, гадлушал гъанай.

Ттул оьтту-ттурчIава дукъаккай Ватан,
ЯхI бансса гуж ттувун инар бутайсса,
Щях бившуний, багъний бучIара вичIан,
БунутIий вил къуват нава хъин байсса!

ЖУ ЛАККУДУШРУРУ

Жу лаккудушруру, жул мина дуссар
ПпабакIу ссавнишал гъалгъатIи кIанай,
Аьсрудал бардултсса чарттугу буссар
Къаралчитал кунма улча ябуллай.

Ци къини лиркнугу лакрал халкъуннайн,
Бавахъулгу бувкссар му къини лахъан,
Аьраялли ардайн ва шюлли лухчайн,
Турлишал, мухIлишал – гъаз дуван Ватан!

Ххари-шадшивурттай
шахълайнма бивкIссар
КIарттул ччатI – махIлагу, хъамалгу лахъан.
КIарттул ччатI – ниттихъал сахаватлувсса,
Хъамал ххаришиврул нахIусса лишан!

Жул дакIру кIукIлуссар бузмардан лайкъну,
Лачакран лавхъхъуну гъалгъа тIюнгъассар,



Жул чаргу иминссар, чаргудай гурссар,
Иш багъний жул махъру
къув-аьсну шайссар.

Жу лаккудушруру личIи-личIийсса,
ЧчантIулувун къавну цацIунмай шайсса,
Лакку кIанттулли жун къуват булайсса,
ЗахIматсса лахIзардай дардру духIансса!

Лаккуя гъарчагу, жу, лакшиврия
Къалавгун, ядурссар лакрал лишанну,
ПпабакIул ва Шунул бюхттулшиврия,
Бавахъал дуаьрдур бургъил туранну.

ВАРАКЪАЛ ЛИШАН ДУССА

«Дараччилул» душавран

Шюлли интнийн шютI учин,
Мурчал бишай шютIуххи,
КIинтнихъ уча ххуллухъин,
Насувча цила ххуллийх.

Жува чIаравн бияннин
ЧантI учинссар дараччив,
Никирттавун дияннин
Марххалттанивун дурхсса.

КIяласса баркъутрава
КIюла ликри аьч дуллай,
ХIаллицIух, кIинтнил бузма
Ччех гъантIиссар яларай.

Марххалттал тавханттава
ДуккантIиссар гюнгутIив,
Къишусса жалинт кунна,
КъитI диркIсса интнил тIутIив.

Ппив хъунтIиссар интнил хIахI
Гъарца ххяххиялува,
Варакъал лишан дусса
Дараччал аьтрилува.

МУНИЯТУ БУРАВАВ ДАКI ЗУНТТАЯ ДУКЪАЦЛАЙ

На бувссара, бувссара
дянтту кIюрххицIунмай,
Мурчан ябивхъу къатрайн
чаннал туранну шайний.
Мунияту буравав
дакI тархъанну лавхъусса,
ЧаннацIан кIункIу тIийнма
оьрму гъан буван ччисса.
Яхъуссара, хъуссара
Мурзу-Ххуллул ланттурдай,
Ялавайгу, лавайгу
нанинал ссалам ласлай.
Мунияту буравав
уттигу вай шагъурдай,
ЦIувкIул бунийн бачара
ххаришиврул хъаттирдай.
Хъун хъуссара, хъуссара





Аьсар-Ххяллул зункІуллай,
Ссавний цІуртгачІан гъансса
бюхттул цІияллаих занай.
Мунияту буравав
дакІ зунттая дукъацлай,
Ниттил каравн оьрчІ кунма,
ЦІувкІравн кІункІу тІийнмасса?

Яттикъушлий ккаччи ххяхххуний кунма,
Дяхъхуниву макІлил ццах учин бунна:
«Ча бувкра!» учинсса чув къаливчІусса
ЦІувкІрав нава хъунна цІан-чаннавух най.

Щарашуйн най бияв щамарал хъачІрайх,
Ца кацІллул хІапвагу баян хъурдай тІий,
Ча-чунгу, ча-чунгу ЦІувкІуллал ардайх
БюрукъатІри бия ханну хъюлчай тІий.

Я Аллагъ, мабара ттун танмихІ оьсса,
МакІравагу ккаккан мабара ЦІувкІул
«Ча бувкра!» учинсса чув къаливчІусса,
Мурчал чІуний шяйтІант шютІа
тІутІисса!

Ссавнил кІутІу бувунни
Ттуруллал халичартту,
ОьрчІкъакъунтгу ливхъунни
Ххарархху хъхъутул хъувун.

ХІаллицІух гъаралуннил
БайбишинтІиссар къиссу,
ТІутІазаннив тІутІалгу
КъарчІ ритантІиссар хъачІру.

Интнил марцІ-щюлли хъхъемай
ХъачІунттивгу шюршуну,
Барзунттал гъаз дантІиссар,
Буттахъал кунна, бакІру.

НА ЛАККУ ЗУНТТАЛ ДУШРА

На лакку зунттал душра,
Щюлли хъхирилгу дусра,
Зунттурдалла, хъхирилла,
Чув-бунугу, лакралла.

Ца-цасса ккуччу бувссар
Чарттал бавкъу ххуллурду,
БакІларай архІал дирзссар
ЦІанттуруллал лиссурду.

ОьрчІнийра ххира хъуссар
Хъархъаллай – халватшиву,
Зунттал хъачІрай лирксса ссав,
Суннил минхълийсса шярлу.

Хъхирил шатІал шуршулух
Ччя-ччяни вичІи дихълан,
Хъхирийсса ххяллал чулух
Дурссар мина, ликказан.

Хажалатрал ххартІ дурний
ДакІнийсса ххаришиву,
Я зунттаву, я хъхирийн
Ябишайссар ттул ххуллу.

Шагърулийгу – зунтталла,
Чан-къанну хъхирилгура,
Чув-бунугу, лакралла,
Илданий лакку чІура.

НА ШАЭР ХЪУННА ТІИЙ ЧИЧЛАЙ КЪАБИВКІРА

На шаэр хъунна тІий чичлай къабивкІра,
Ца хха къачивчуссар цІардайн тамахІну,
Ниттишал къурувпай буккай чІумалсса
Къакъабар шеьрирдайн дурксса макъанну.

Улкул уртту-тІутІал шад шуршулувар,
ШанратІай шарашал чавхъ-жоржулувар
На асарду лавсъсса шугълурду чичлан,
Щуршугу, жоржугу чагъардайн зизлан.

«Буца на, жегъирххуллуй»

Буттахъал лухччиний хъхъепІатІи бувсса
ЧІиникІрал чІурдавар на такъва ларсъсса,
КІай авкъатсса зунттал бакІай тархъанну
Гъанагъисса мурчал ххурхху уртакъну.

Ялагу асарду лавсъссар на Лаккуй
Къарил мурцІуиттав цІайтІи мукъава,
ОьвтІутІисса хханссар буттахъал рухІру
Бухсса дарвазарттал мюрш къункъуллава.

Шагърулий бунугу, хІура къадуркссар
Ттул дакІнива буттал кІанттухсса ччаву,
Гъарца ххуттаву цІурхъхъу тІий дуссар,
Янсаврал къанкъ кунна, ягинсса къюву.

На шаэр хъунна тІий чичлай къабивкІра,
Улкулхсса ччаврилла чичлачи бувсса,
Бюхттул цІияллайсса бургъил парлилли
Ттул шеьрирдаих къалай паргалну дурксса.

НЮЖМАР ДУВАН ЧЧИВА МАШИЛУЛ АРДАЙ

ЧантІ учин ччива ттун ца къини кІюрххил
СсурхІиял дазуцІсса магълул машилий,
Оьллугу ттивзуну дуркІсса буттарссил
Гъили накІлил оьрту чІарав бишайний.

Дюхлулул ках тІисса чІапІал шуршулий,
«НакІлия ххув уча!» миннат бувайний,
Аьтрилул аьнттуву ладиркІ машилий,
Телефонну, «сетъру», вай-фай дакъаний.

Зунзулчаннал тІинтту зунттал ланттая,
Хъхъем датІлай, хІаллицІух
ланца тІутІиний,
Бизанттай, рахІаву, ратІув, лагмава,
Челмултрал хор дакъа, чІу-чІитІ бакъаний.

Щюлисса хъхъемаву ччаннугу шюшлай,
Паммалул ттуруллайн хъирив хъанайний,
Нюжмар дуван ччива машилул ардай,
Мурчайн лажин дугълай,
бизанттайн лахълай.

Бизанттайн лахъайхту лихъайхха дардру,
Уртту-тІутІай чІалай оьрчІи бузмарду,
ШанчІапІал шатІава бакІру гъаз дурну,
НякІсса чани кІучІай някІуннаралгу.

Бургъишала, цІуртташала хаварду буслай,
ЧІимучІалт хъачІунттай шябикІан битлай,
Ца нюжмар дан ччива машилул ардай,
Илкиншиврул чухъа ликъаклай занай. .

ККУРЧА БАЙ КІИЧИРТТУ ЧІЕЛМУЛТРАЙХ БУВКССА

Буссар Лаккуй, буссар, баргъгу гъилисса,
Гъараллугу дайссар чывхъа хІаласса.
Шархъурдуми дуссар, бавахъал тІийкун,
Ккурча бай кІичіиртту
ЧІелмултрайх бувксса.

Жуярва яхІ бусса чарттугу буссар,
ЯхІрай бавцІуну чІиртту лекъакъан,
Инсантал ххал шайхту, шярултту буссар
Ццах тІий, нигъабуслай, цивппа букъагъан.

Буттахъал алвагъсса цІардал хІурматран
ЦІияллугу дуссар кІяла тІутІаву,
МакІругу ккаккайссар хъув хІуй бавахъул,
Ягу ччатІру буллаи лакку кІарттаву.

Я бияймур дуссар Лаккуй ятинну,
Гъараллугу дайссар чывхъа хІаласса.
Гъарай, бутгал ЧІиникІ сситтул бувкукун
Ци чывхъа бичайвав ттулмур дакІинивун?

ХЪХЪУТТАЙХ ЛАХЪУЛТРАЛ ДУШРА

ТтиликІрах – щунсса вацІа,
Бяйкъинссара вацІулу,в,
ХъхъичІрив – нигъ рутай кунцІа,
ЧІахІлул шяпал бувцІуну.

Цимийлла на багъайсса
Бан-бит бакъасса дазуйн,
Лагътурал чухъри лархсса
ЛявкІусса ххютал чирчлуйн.

ДукъарчІайсса къануннал
ДайлитІугур дакъасса,
Ххяппа дирзсса хІукмурдал
Ххарссари барча бакъа!

КІихІуллашиврул ардай,
Аьратталну хъита тІий,
Илкиншиву дур ччалай
Чидар букълай, итххяхлай.

ТтиликІрах – щунсса вацІа,
ХъхъичІрив – ча-чунгу кунцІа,
Тараза кІунттил дугъай
Хъхъуттайх лахъултрал душра!


ДУСНАЛ ХІАСАН КІУРУХОВАЛУ АЬПАЛУН

«Сив-сив тІисса гъаралу
Бяхълайнма бур вил улча», –
Вияр ххуйну, бюхханну
Учин къахъунссар ттуша.

Лаккуйсса гъи хІикматну
ТІутІан кІутІутІи дурсса,
«Ккулла кунма дакІницІун,
Ватан дакІницІун шусса».

Игъалавгъхъунссара, дус,
Тти Вихъуллал майданнай,
Хордания яувцун,
Авлул хъуну хъархъаллай.

ДакІнил ларсъсса тІабиаьт,
Бюхттулний барзул гъава,



Адабиятрал
лаъсин

СсукІалавай уруглан,
ХІукмурдайну тарснува.

ЦІупарданул пар бусса
Назмурду чичлай урав,
Лагътурал чухъри лархсса
Жу дашуй бихълай урав?

ДакІниву тархъаншиврул
Чани лешан къаивкІсса,
ЩинчІав ххуй изаншиврул
Шеьригу къачивчусса.

ХІасан, КІуруххъал ХІасан,
Ссавнияр дакІ илкинсса,
Чиплагънахъгу, да, инсан,
Жу буссару увкусса!

«Хъин къашай азар кунма,
Жун нясив бувсса улчай»,
Щукру хъун дуван Ватан
Лаккуй лявхъусса ХІасан!

Кавычкадардавами ххару
ХІасан КІуруховдулли

ТТУЙН УТТИГУ ОЬВКУННИ

Ттуйн уттигу оьвкунни
Арттабиял бизанттал,
Къанай бурав увкунни
Бярних хІуриятІутІал?

Арийх бачІва ччаннашал
Хъхъемавух хІурхІа занан,
КІюрххил зунзулчаннашал
ТІутІал шатІавун лякІлан.

Тархъаншиврул хатІ бусса
Хъархъаллайн, ххяллайн лахълан,
Явшул къанкъ янхъа тІисса
РахІавн, ратІавун бучІлан.

Зубил-къунттул хъаралу,
Ххют дуний, чулгу бувну,
РахІат дурксса дакІнива
Щуршулий дуаь дуван:

Щукру, я ттул Заллу-Зал,
Нава Лаккуй лявхъусса,
Вай тІутІал чани ттунма
Уттигу къалевшусса!



Цалчинмур ЦІувкІул

Ва аьпалул шавугу хьунни, ца ванил кулпатран дакъассагу, Бархъаллансагу, лакрал миллатрансагу, Дагъусттаннансагу кьурчИшивуну, цанчирча гьарца укунсса усттар оьрмулува лагаврийну шалагу Дагъусттаннал маданиятрая, магьирлугърая хьунмасса хьатI багълай буну тIий.

ПатИмат шамилчинмур никирайсса тIахIунттул усттаръя. Ванил, оьрчИниява шинмай цила ниттишал тIахIунттаха зий байбихьуну, цила бусса оьрму аьршарашалсса даврин хас бувсар.

Бувну бур ПатИмат ноябрыданул 20-нний 1959 шинал Бархъарав чIявусса оьрчIру бусса МахIаммадлул ва Рукьижатлул кулпатраву. МахIаммад, ца кагу дакъа дьавилия зана хьусса фронтовик, хасиятрал хьинну кьанкьасса ивкIун ур, оьрчIал ялугу цIакьну авцIуну ивкIун ур.

Школалий дуклакисса душ хияллай бивкIун бур шагьрулийн гьан, медик хьун буххан, амма, нину кьашавай хьуну, шяравува бацIан багъну бур ниттих буруглай. Зун бивкIун бур шяравусса ТIахIунттал (гончарный) заводрай. Нинугу, азардануша ххассал кьархьуну, чяни аьпалул хьуну дур.

ПатИмат, кулпатралгу хьуну, ласнашал, Сулайманнушал, архIал бивзун бур Москвалив. Зий бивкIун бур Звенигородрайсса хьинну хьунмасса цехраву янна дурухлай. Сулайман ветеринарну ивкIун ур. Цаппарасса хIаллавун вайннал кулпат зана хьуну бур махьунмай Бархъарав, ПатИматгу цIунилгу тIахIунттахан багъну бур. Ванил Бархъаравсса ТIахIунттал заводрай зий 27 шин дурну дур. Шяравусса школалий дачин дурну бивкIун бур керамикалул крожок.

Шагьрулийн бивзун ПатИматлул ацIнияхъайсса шиннуя. Зий бикIайссия Республикалул Халкьуннал канил пишардал центрданий. Мукунма «Аьрасат – ттул тарихри» тIисса музейраву «РемесловЪ» дуссукуьатлувугу, оьрмулул мюршиминангу, хьуниминангу лахьхьин буллай цахъис кьанкьану зурчан – гьагъайсса, кIукIуну зурчан – мютIий кьашайсса аьрши тимар дуллан.

ПатИмат Шаммадаева гьурту кьавхьусса халкьуннал сяна-тирттал выставка, фестиваль республикалийгу, билаятрайгу нажагъсса дакъа кьархьуссар. Яла-яла ва гьарца кIинттул гьуртту шайссия Москвалив «Аьрасатнал халкьуннал художествардал промыслрду» тIисса ассоциациялул дувайсса «Ладья» тIисса выставка-ярмаркалий. Чун гьарчангу, хьхьичIунсса кIану кьабугьуну кьабикIайссия. Мукун ваничIа хьинну чIярусса наградартту, дипломру хьуссар. Цишала цал-цал душ Луизагу буцайсса бивкIиссар личIи-личIисса шагьрурдайн. Ниттия ларгсса чIумуву гьалгъа тIун бигьану бакъанугу, Луизал вания бусанмур чIявур.

– Нину дия тIабиаьтраяра дакIинил хьиншиву ва каруннил гьунардуну мяш бакъа бивсса инсан. Цимигу шин тIахIунттан дулуну, махьрив язи бугьгьуна ваниярвагу бигъа бакъасса преподавательнал пиша. Цайминнангу халкьуннал пишарду лахьхьин буллай, махъа нанисса никираву аьршарахсса ччаву дихьлай дикIайва.

Аьпалул махъ

Аьрщаран буллусса оьрму

Дунияллия лагайхту инсанная личIай так аьпа. Хьинсса аьпа Дькабивтманан бивкIугу кьабикIай. Мукун, циявасса хьинсса аьпа кьабивтунни Бархъаллал шяравасса ххаллилсса хьамитайпа, хьхьичIунсса пишакар, тIахIунтудуву Шаммадаева ПатИмат МахIаммадлул душнил.



ПатИмат Шаммадаева

Нину тIахIунттаха зузисса чIумал, аьпа биву, ппу-гу икIайва мунин кумаг буллай. ТIахIунттан аьркинсса аьрши дихханшиврулва цукссагу захIмат буван багъайва, ялату цимирагу кьат дукъалай. Муния махъгу, га жунна чIалачIисса керамикалул изделие дуваннингу, цикссагу гьухъ дутIин багъайва. Дуллай, дуллай, цукссагу захIматгу бувну, дурмур яла, цIараву, пачливу ччуччин дуллалисса чIумал, хъа учингуяхъа буюхъайсса. Укунний аьтIийгу шядикIайва нину, ваца цила лякълуд оьрчIал ялугу кунна. Ниттин мийжаннугу ххирая цила пиша. Ххирану бакъания, шайссия, туну, ваниха вайксса шиннардий укунсса захIмат буллай зун.

ЩядиркIун, ляхъан дуллан дикIайва аьршарая дуванмур. Шяраву ттатта, бава цала оьрчIал оьрчIашал шябивкIун ккавкрив, ягу ттуккушал, ттуккуй нанисса оьрчI итталун агьрив – вай най буна аьршарая бувантIиссия. Яруннин ккаркмур аьршарайн ласайва. Мультифильмраву цинна хIаз дирзумнигу бувайва аьршарал кьалип.

Цилва хьунмасса захIмат бувну дурмунин багъа бишунгу кьакIула, аьпа бивун, мяш дакъа, укра, укунна дарчIунугу гьан дайва кьачансса затру, кулпат бакI буккан буван, даххан буюхъайгу бунува. Цикссагу инсантал бикIайва ванийн бусравбарчаллагърайсса. Хьамалу цу учIарчангу, лавгун цила дуссукуьатлувун, чIирисса дунугу, хьуннасса дунугу, чара бакъа цидунугу дулунтIиссия. ДакIинийри, ниттил ца шинал Зумаритавал байрандалийн тIахIунттул ттукри бачIлай бивкIисса, оьрчIал куннахъ куннал буслай, ца ава-за гьаз хьусса.

Ниттил цилла даврих шя-

диркIисса чIумал ишла дувайсса кьай-кьуйлун, инструмен-тирттан кIанай цал-цал канилун дагьмур (кьуса, гьиссилу) ласайва. Укун ишла дурмур кухний ттунна ляркьукун, вай чапал циван дав, аьршаравух циван дук-ван тIисса ттухъ ниттил учайва: – Вай аьрши дакъар, вай мусири, – куну.

ЧIявусса бучIайва тIахIунтту дуван лахьхьин ччисса. Ниттил, мяш дакъа, цичIав кьютI кьабувну, цинма кIулмур цайминнангу лахьхьин байва. Аьпа бивул, цукссагу хIарачат бу-на ттунгу ва касму-сянат лахьхьин данмур, нахIу дизанмур буллай. Амма ттул дакIрив аьршарахух кьаларгунни, вания цукссагу ва цикссагу ххуйсса затру дуван буюхъайнугу. ОьрчИнияра шиннай ттун чIалай бия ва бигъасса пиша бакъашиву, чIалай дия ниттил аьршараха зий дутIлатIицирив гьухъ, буллалицирив захIмат.

Нину, аьпа биву, хIазссагу дикIайва, ванин цимурца ттукрайну (тIахIунттал) ккалан ххирая. Масалдаран, ссал-бунугу багъа бурих ххюазарда кьуруш, учинтIиссия: «Вагъ, вайннухния ххюва ттукку ласун хьунссия», – куну. Ягу шарда дуван аьркинсса цидунугу даврия, чунбунугусса аьрхилия ихтилат нанисса чIумал, учинтIиссия: «На му хIаллай кIива ттукку буванна», – куну. ТIахIунттуя цичIар дуван кьархьусса кьини ниттил дачIра, багъандаран гьан дурсаннун ккалли дайва.

Ниттин ххирая ссихъри дуллангу, хаснура цикиуртту, гьирарай дурухлан дикIайва вайнунсса янна. ТтучIа дуссар ниттил дурса метралул лахьшиврийсса ссихъу-цикури (жалин). Ва жул, бархъаллал, аьдатри, шар хьанахъисса чIумал душнин ниттил чара бакъа укунс-

са ссихъу дувайсса ва дулайсса. Шар хьанахъисса душнил ялагу цикиурттул гьухъа бикIан аьркинссар, му лаххан най бунугу, бакъанугу.

Ниттин пахру бикIайва цурда Бархъаратусса душиврия, шаймур буллай дикIайва шяраваллил цIагу, касму-сянатгу машгьур дуван. ЧIяруну ххарину ва пахрулий дакIинин дутлан дикIайва гончар Ислам ШовкIринский цачIана Бархъарав увкIсса, цивппа архIал зий бивкIисса чIунну.

Ниттил, ссаха зурчангу, дулалимур дюрхъуну дувайва, бакIуйн дуккан дувайва. Кару



мусил дия, дуван кьакIулсса зат кьадикIайва, тIахIунттулми давурттацIун – щашавугу, дуруххавугу. Буслан бикIайва, ниттил цила уссин костюм дурурххуну, ниттиуссу Москваливн му костюмраву лавгун, вокзалданий мунал хьири-хьирив ца адамина занай ивкIисса, цанна му костюм даххи тIий. Му яла кьалагавай, ниттиуссил дарххуну дия мунал костюм, вокзалданийра цайнна цайми яннагу ларххун.

Ниттия бусланмур бухлагансса ххай бакъара, я вания буслай нава буххансса, бавчIансса, – тIий бур Луиза.

ПатИматлуя бусанмур кьачанни ванил даврил уртакуьтуралгу, цимирагу шинай ванишал архIал зий бивкIминналгу.

Земфира Оьмарова, Республикалул Халкьуннал художествардал сяна-тирттал центрданул хьунмур специалист:

– Ттул дакIиниву ПатИмат Шаммадаева личIантIиссар дакI хьинсса инсанну, усттарсса пишакарну. ПатИматлул ххирая цIу-цIусса караматсса затру дуллан. Цилла дурмургу ххарину ларсун бучIайва Центрданийн. Ванил дурмургу най дуна итталун дагъайва, ккарккун, бурувгун кьаритан шайссагу дакъая. Ванил дурса эксклюзив затирттал чIама дикIантIиссар Центрданий ванил аьпалун. Вай дакъахлантIиссар, так тамаша буварчан бакъа.

ПатИмат дакI аьчухсса, личIулсса, цимурцаннуву марцIшиву ххирасса бикIайва. ХIайп, дунияллия ва чяни лавгсса, хIайп, Бархъаравсса ттул цалчинсса аьрхи ванил бивкIулийнсса леххаврийс-

са хьусса. Ванин бакъамур оьрму душнин, мунил ирсиран булуннав.

Зарема Ибрагьимова, бархъаллал тIахIинидуву:

– ПатИмат ххишала бакъа гьунар бусса инсан бикIайва, ва гьунаргу ванийн цилва ниттия бивну бия. Ванил каруннил дурса игрушкарду дикIайва ца ккарккун вамур хьамадитансса. Ттун ххирассия ванил пишакарсса ва усттарсса каруннила дуклакисса игрушкардай тамаша буллан. На биякьлай бакъахьурчан, хьурзилтташалсса ттукку буллай цалчин ва байбихьунуккива, хьурзилттаву тIахIунттугу дихьлай.

ЧIявусса бия вания касму-сянат лахьхьин буюхъаврийну цалва кулпатру бакI буккан булалисса.

Та ккаккарчангу, ПатИмат мунан пиш тIий бикIайва. Ва-

нин ххирая инсантал, кIула дусшиву дувангу, дуруччингу, хьамал кьамул бувангу. Туризм-рая ва туристътурая цIана кунна гьалгъа тIун бувасса чIумала ванил цила шаппа кьамул байва чIявусса туристътал. ПатИмат ттун цимурцаннуувусса идеал бикIайва. ХIайп, укунсса инсан дунияллия чяни лагаву. Ттул дакI ххишала дакъа кьума лагай укунмавагу чансса халкьуннал усттартал аьпалул хьувкун.

Асият Мирзаева, бархъаллал тIахIинидуву:

– Ттул нину Бархъарав ТIахIунттал заводрай зий дикIайссия, мунияту ттун ПатИмат оьрчИниява дакIиний бур. Ва бия хьинну гьунар бусса тухумравасса, кулпатравасса душ. Ванилгу, ванил нитти-бутталгу, ссилгу, уссурваралгу аьршарая, бурчюя, тIаннуя, арцюя дукъавайсса кьадикIайва.

Абакар ГьазимахIаммадов, керамист, прикладной искусствалул усттар:

– ПатИмат Бархъаллал тIахIинидувултрава язимурия. Ахъушиялгу, республикалулгу, шалва билатралгу даражалисса усттаръя. 1983 шинал бувкIун Бархъаллал шяравусса керамикалул цехравун, байбихьуссар халкьуннал игрушка (народная игрушка) дуллай, машгьур дуллай. Циннагу ва жу-ралул затру лавайсса даражаллий дуван лархьхьуну, цайминнангу лахьхьин дуллай.

Хьинну гьунар бусса, за кIулсса, ца мукьуйну учин, эрудированный инсан бикIайва. Цинма кIулмур гьирарай цайминнашалгу кIибачIайва. Цин алжан нясивну льякиннав.

Бадрижамал АБЛИЕВА

Жижара



ДАУДЛУЛ ДУШ
КАРИМОВА ХАНИЧА

Июльданул 26-нний, хьун-масса хІаллай кьашавайгу бивкІун, аьпалул хьунни ххаллисса хьамитайпа Ханича Каримова. Ва бувну бур 1952 шинал МахІачкьалалив, Вилтташи-ял шьравасса Даудлул ва Ажай Азиевхьал чІявусса оьрчІру бус-са кулпатраву.

Школа кьуртал байхту Ханича бувххун бур Дагьусттан-нал Медициналул институтравун, хьхьичІунну вагу кьур-тал бувну, 1976 шинал лавсун бур хІакин-терапевтнал диплом. ЧІярусса шиннардий зий бивкІун бур МахІачкьалаливсса личІи-личІисса поликлиникарт-тай, Приборостроительный заводраву цехрал хІакинну, Усру дувайсса фабрикалий, Ремзаводрай. Ванил захІматрал ххул-лий хІалал бувну бур циксса-гу Барчаллагьрал чагьарду ва ХІурматрал грамотартту.

Цуппа чув зий бухьурчагу, каялувчитуралгу, коллективрал-гу дянив ванил хІурмат лавайс-са бия, кьашайшалахсса ургїил

ИБРАГЪИМЛУЛ
ДУШ МАХІМУДОВА
ЛЮДМИЛА

ЗахІматсса цІуцІаврил азур-дагу бувну, 68 шинаву аьпа-лул хьунни сунбатІлишар, бахІикІладуш МахІмудова Люд-мила.

Ва оьрчІан ххаллисса ни-нугу, ласнан хьинну бавкьусса кулпатту буссия. Цибанссар, ва-нил мушакьатсса лас Кьурбангу хІайранну ливчІунни.

Людмилал бивкІулудл кьур-чІишивугу кІидачІлай, дакІ-

ва аякьа, цила дуллалисса дав-рил тІалавшинна хІисаврайн лавсун, вания цІа дансса акьа кьаикІайва.

Ханичал цила давугу хьхьичІунну дачин дурну, кул-патранмур чІунгу диял дайва. ГьунчІукьатІатусса ласнашчал КьурбанмахІаммадлушар арс ва кІива душ ххуйсса тарбиягу дул-луну, ларайсса кІулишавурттугу ласун бувну, оьрмулул ххуллийн бивчуна. ЦІана вай бур хьинсса пишакартал хьуну, инсантуран ка-кумаг буллай.

Ханичан хьинну ххирая цила оьрчІал оьрчІру, арулагу оьрчІал хьхьичІуннайшивурттая ххаригу хьанай, вайннал чІарав мудангу бацІайва. ОьрчІал оьрчІангу ва-ниха чІалачІин кьадикІайва.

Пенсиялийн бувккун махьгу Ханича чялишну гьуртту шайва цишала институтраву ва школа-лий дуклакминнал дуллалисса давурттай ва хьунабакьавурттай. Уттигьаннугу вай цачІун бавтІун бия институт кьуртал бувну 50 шинал юбилей дуван, маслихІат ккаккан. Лавмартсса азарданул кьабивтунни.....

Халкьуннал дянив ванил цІа лирчІунни хьин чулий кІицІ ла-глай: оьрмулия ххарисса, гьар-цаннал чІарав бацІан хІадурсса, мукьуй цІу бусса инсанну. Укун дакІнийгу личІантІиссар ва гьан-маччанан, чІаххув-чІаравнан, дус-ихтивартуран ва даврил уртакьтуран.

Ханича дунияллия лагав-рил кьурчІишивугу кІидачІ-лай, дакІнийхтуну жижара буллай буру ванил ласнахь КьурбанмахІаммадлухь, уссихь Идрислухь, душваврахь Жами-лахь ва Зулайхахь, арснахь На-дирдухь ва цинявппагу гьан-маччанахь.

Ханича имандалий лавгун лякьиннав, алжаннул ххари бан-нав, ванияр тихунмай ххарисса бакьа хавар кьабаяннав.

**ГьунчІукьатрал
ва Вилтташиял жяматру**

нийхтуну жижара буллай буру Кьурбаннухь, ванал ус-сурваврахь МахІмудлухь ва МахІаммадлухь, ссихь Кьизагь, миннал оьрчІал душваврахь, Людмилал арсурваврахь, душ-нихь, мачча-гьаннахь.

Людмилал аьпа баннав, пир-давс алжан булуннав, гьав нур-данул дуцІиннав.

БивкІулудл кьурчІишиву ва ххажалат духІансса ссавур ва кьудрат Заннал дулуннав БахІикІуллал ва СунбатІуллал жяматрахьхьун.

**СунбатІуллал жяматрал
цІания МахІмуд АБЛИЛОВ**

Хьуннасса пашманшивугу кІидачІлай, дакІнийхтунусса жи-жара буллай буру жула даврил уртакь **Андреана Аьбдул-лаевахь**, ванил буттауссу дунияллия лагаврийн бувну. Цал буна-гьирттал аьпа баннав, рухІ хьинний дишиннав, алжаннул ххари аннав. Махьминнал оьрмурдай барачат бишиннав.

«Илчи» кказитрал зузалт

Баян

«Илчилий» бишлашисса жижараттал текстру буссар
Укунсса багьрал лагрулий:
укунмасса жижара – 300 кь.
суратрашалсса некролог – 1000 кь.
Тел./ 66-00-59

ЦІулла-сагъшиву

КьюкІлил хІакиннал маслихІатру

Ахттарчитурал кІул бувну бур: шарссанил цила ласнал ивчІавриясса нигьачІаву чан дайсса дур 46 процентрал. Кулпа-траву хьинсса арарду духьурча, инфарктру чанну шайсса дур, ин-фаркт хьурчагу, лас ччяни хьин шайсса ур, ганал оьрмугу лахьис-са бикІайсса бур. ИНВИТРО-лул медициналул бутІул директор, хІакин-кардиолог, медициналул элмурдал доктор Алексей Ники-тиннул бувсунни цукунсса иширттайну маччасса инсаннал асар биян байссарив оьттул туннурдайн, циванни кулпатраву лахьи лавгсса энад бугьаврил лахьсса холестериндалуяргу хьунмасса зарал биян байсса ва цачІу нахІуну ялапар шаву кьюкІлил цІуцІавурттал про-филактикану циван хьанахьиссарив.



Бавкьусса, бусравсса кулпат: Оьмахан ва ПатІимат. ш. Ккул

– Буниялагу арамтал цала сипталий кардиологначІан чан-ну бучІайссарив?

– Арамтал цала сипталий буниялагу чанну бучІайссар кардиологначІан. Му мукун бу-шиву исват буллай бур статисти-калулгу, гьарца кьинисса кли-никалул иширтталгу. Арамтал дянивну лавсун хІакинначІан бучІайссар хьаннияргу чанну, чІявучин азарданул инжит бул-лалисса чІумал. Душру-хьами аьдат шайссар жагьилну буну-ва хІакинначІан занай, арам-турал мукунсса, цала цІулла-сагъшиврухь кьулагьас дуллай бакьар.

Микку ишлану бикІай пси-хологиялул пикри-зикрирдугу: «кьашавай шаву – адаминан кьа-лайкьсса затри», «цайнура цур-да хьин хьунссарча», «чІун дакь-ар, даву чІярусса дур». Ахирда-нийгу, адамина хьунмурчІин кардиологначІа лякьай инфаркт хьуну махь.

ЧІярумур чІумал карди-ологначІан лас увцуну дучІай ганал шарсса. Миккугу тагьар укунсса шай: «Духтур, на кьаша-вай акьарача, шарссанил увцун-на». Мукунсса, хьаннил бувцуну бувкІсса арамтурал чІявуну оьт-тул давление лахь хьуну лякьай. Миннал дикІай мукунна дисли-пидемия, аритмия ва м. ц. ди-ялдакьашивуртту. Гьанчунан чІалан дикІай, кьашавайсса ада-минан асар кьашайсса, ягу асар хьуну кьаччисса лишанну: лас кІуну ссихІ ласлай ушиву чурт-туйх лахьайни, шану кьабиллай ушиву, ччяни ухлай ушиву. Му-нияту ласнал азар ччяни кІул давриву шарссанил хьунмасса бияла бикІайссар чІявусса кул-патирттаву.

– КьюкІлил ва туннурдал цІуцІавурттал цуми лишаннахь

арамтурал чІявучин кьулагьас кьадувай, хІакинначІан ччяни гьан аьркинну бивкІун бунува?

– Яла нигьачІаву думур ва чІяруну гьулагьас кьадаймур лишан хьанай дур хьазамраву кьюву дуллалаву. Арамтурал му-кунсса лишандалухь личІину кьу-лагьас кьадувай «остеохондроз ягу аьвкьу-гьили хьуну ухьунс-сара», – куну. Амма хьазамра-ву кьюву дуллалаврил, хаснува чурххайн гуж бувтуний хІасул шайсса ва паракьатсса чІумал кьалагайсса – му стенокарди-яр, яни, кьюкІлил ишемияр. Агарда мукунсса кьюву15-20 минутІярау лахьи лагарча, дяр-кьусса гьухьгу дичирча, заэв хьурча, нигьа усарча, кьюву ку-ямур канийн, ссурссулувун, лув-мур ххинчулийн дуллай духьурча – му миакардрал инфаркт хьун буюхьайшиврул лишанни, аьр-кинссар оьвчин «анаварсса ку-маграйн».

Арамтурал мукунна кьулагь-ас кьадувай жапану ссихІ ласла-саврихь – хьхьичІва 4-мур зиву-лийн лахьайссия паша кьатІий, утти тІурча бачІи ххуллий игьа-лаган багьлай бур. Ва хьунав шаврил, уч шаврил лишанда-лун ккалли бувай, амма му хьа-нахьиссар кьюкІлил чулухасса диялдакьашиврул, ягу ишеми-ялул цалчинмур лишандалун. КьюкІ цила сантирай дакьа, ди-рину ягу хІурхІану зузаву, кьюкІ анаварну ришлашаврил при-ступру хьанахьаву – му буюх-айссар дикІан кьюкІлил пред-сердиярдал фибрилляция, му-ниясса нигьачІаву хьанахьис-сар инсульт шаву, ахттакьун чІумал ччаннай дурухлу шаву –буюхьайссар хьун кьюкІлил ди-ялдакьашиврул лишан, цакуну заэв, цІуцІна шаву, ня лаглагаву, чІивисса мутталийсса ка духІаву ягу маз бухІаву – ми хьанахьис-

сар транзиторийн ишемиялул гьужумрал (атакалул) лишан, инсульт ялун нанишиву бусай-мурну (предвестникну). Мунил тІалав буллалиссар гацІанава хІакиннайн оьвчин аьркинши-ву, ххюнхху тІий шанашаву, му чІумал ссихІ бигьаву дацІайссар цаппара хІаллай шанавух унува – синдром обструктивного апноэ, мунил тамансса хьун дуллалис-сар гипертония, аритмия шав-риясса ва цакуну ивчІавриясса нигьачІаву, эректал функция яларай дагьаву – муния арам-турал хІакиннашалсса ихтилат нажагь бакьа кьашайссар, амма му хьанахьиссар системный атеросклерозрал ччяни шайс-са лишаннавасса ца: цалчин за-рал бияйссар мюрщими оьттул туннурдайн, интим сфералувус-са проблемартту буюхьайссар байбишин стенокардия дайди-шиннин цаппара шиннардил хьхьичІва. ЛичІину кІицІ банна: лахьсса артериялул давление чІярумур чІумал асар кьашайс-сар. «Ттун ттулла давление асар шай» тІисса калима – бйякьла-кьавур. Гипертония кІул дуван шайссар так дурцуну.

– Цукунсса хасиятирттайну (привычки) буюхьайссар кумаг хьун кулпатраву кьюкІлил ва туннурдал азарду хІасул шаври-ясса нигьачІаву чан дуван?

– КьюкІлил ва туннурдал азарду чІявучин хІасул шайссар кулпатрал багьу-бизулувусса арардайн хьар хьуну. Цува-лу яхьанахьисса инсаннан захІматссар цала хасият дахха-на дуван, цачІу яхьанахьимин-наша мадара бигьану шайссар. Масалдаран, гьарца кьини зана-зин дуллан. Мюнпатссар чана-чанну нюжмардий 150 мину-трай анаварсса бушилий зана-зин дуллан ягу сайки гьарца кьини 30-40 минутІрайсса зана-зин дуллан. Ахттакьун чІумалгу кІиягу цачІу – му хьанахьиссар архІалла кьюкІлийн гуж бута-вугу (кардионагрузка), стресс чан давугу.

Дукра канакаврил хасия-тругу даххана дуварча хьинс-сар: дукралуву дикІан аьркинс-сар чІявуну ахьнилсса, ахьулс-са, хІава, кьалмул ххяххияртту (цельные злаки). Чанну ишла дуллан аьркинссар зана-кьала дурсса дикІ, ккурккимайнтту, фастфудру, дукралий чан бу-ван аьркинссар цІу (гьантлун 5 грамм, ягу ца чяйлул кьуса, ду-кралиймигу хІисаврайн лавсун), чан буван аьркинссар качар, нацІу шинну.

40 шинава ливчусса инсан-тал бусса кулпатраву дикІан аьркинссар автоматический то-нометр. Давление дуцІан аьр-кинссар нюжмардий цал дуну-гу, агарда гипертония дусса кІул хьурча – гьарца кьини, дневни-край чигу-чичлай, циксса хьу-ну дуссарив. ЧІявуминнал дав-ление хІисавну дур 140/90, нор-мальный тІурча дикІан аьркинссар 120/70, 130/80мм.рт.ст.

Кьалиян кьаритан аьркинс-сар, мунил инфаркт шавриясса нигьачІаву хьун дуллалиссар ци-милагу. Шинай цал ххал буллан аьркинссар базовый чек-ап, ли-пидный профиль, глюкоза, дав-ление, ЭКГ.

ХІасан АБДИЛОВ

Лакрал халкъуннал учаларттава

Г̃арал к̃унтIал бусар-чангу, бусу льяк̃айссар.

Дак̃а к̃атлул ялув к̃а-рал к̃абитайссар.

Дулунну дулайсса лая, учинну учайсса мах̃.

Зунагу, цуркгу, инсан ивчIавугу к̃ул к̃авхуну к̃аличIайссар.

Зумув ккаччи бавхIуну ур.

Зулмулуд х̃х̃ичI нач лих̃айссар.

Ина танал ччимур ба-заллув, ччимур баг̃лун ах-ханссара.

ИчIува читIух̃ бувсмур чIуллуй чIелмулунгу ба-ййссар.

Ккаччи хIап тIий бунува-ри ххуллуссагу лагайсса.

К̃арапул бак̃а кIяла ариу шила к̃аийссар.

Лавсмунин бахлай ура.

Ладиртмур бат шайс-сар.

Ларх̃хутура к̃аритан захIатссар.

ЛуххацIух̃ цIугу к̃ала-чIай, лавг̃ оьрмугу зана к̃а-шай.

Льяк̃а цIуцIи цулкIлуйн увккун ур.

Мазрал ччимур уча, амма ка лах̃и мадулларда.

Макру – цулкIул, ликри – бюрххул.

Мах̃гу – жавабран, ччатIеу ахттайнссаннун ябува.

Мах̃ булуннин к̃янк̃ану ацIу, буллувкун яхI бува.



«Илчи» – маслихатчи

Августрай дуван аьркинмуния

Рангирдал ва г̃илишиврул авадансса, чIявучин ххирасса, тIабиатрал неьматирттая яла х̃унмасса хIаз ласунсса чIумун ккаллисса г̃и, дуркIсса кIул х̃уннин, к̃уртал шавай дур. ХIарачат бувара г̃интнил мах̃ва-мах̃сса барз мюнпатну г̃ан буван.



Г̃интния ливчIсса г̃антрай цал-кIилвавагу бярничIан, х̃х̃иричIан, вацIлунун ичIуваминнашал буккансса хIарачат бувара, ва дуван дур, та дуван дур к̃атIий. Дуван-мур такIуйрагу чан к̃ашайс-сар. Биг̃алагансса чIун жура жунна к̃адулурча, тачIаврагу к̃ах̃унтIиссар.

Г̃интнил лирчIсса нюз-марду дуван аьркинсса давурт-тал кIулаган к̃адуллай, ссутти-хуннай, кIиришиву дак̃анийгу дуван бучIимур мах̃нин дуги-ра. Г̃илисса г̃антри аьрххир-дан, биг̃алагаврин харж бувара, шайссаксса х̃уннасса чIун г̃а-ваций, чаннай г̃ан дуллай.

Ца к̃ини дуvara дурагу цичIав к̃адуллалисса, биг̃ала-глагисса.

Г̃интнил ливчIсса г̃антрай хIарачат бувара зунзулчаннах̃ к̃ятIув, х̃х̃иричIан буккан, кIюрх̃ х̃унадак̃ин, цIаннаша чан-чанну тIий мурахас х̃анах̃-исса ссавний тамаша буван. Му-кунма лагабург̃ийгу, букккун к̃ятIув, оьрмулувасса ца к̃и-ни бусрав-бурчаллаг̃рай тIайла дуккан.

Г̃ава г̃илиний биг̃ассар цIумур, к̃авардишмур г̃ярца к̃инисса аьдатрайн кIурадаен дуллан. Яла-яла спортацIун дархIумур. Духхан дуvara спорт зула г̃ярца к̃инисса оьрмулу-вун.

Ссутнил даршу-дарккусса к̃ьинирду дайдих̃ланнин, бур-гира шардагу, хIаятравугу ци ду-ван дурив.

Ца к̃ини ягу х̃х̃у г̃ан дуva-ра каних̃ телефон дак̃а.

Г̃анттайнсса, мудан кун-на к̃ятлуву к̃адуркуну, дуки-ра балкондалий, террасалий, хIаятраву.

Ах̃нилсса, ах̃улсса чIя-русса г̃инттул пикри буva-ра кIинттулнин ци к̃ак̃ан, ци микIлачIун дуван дурив.

Яла-яла – жучIара х̃ярхмур канай, организм витаминнал дуччин дуван.

Вай кIирисса к̃ьинирдайгу х̃амамабитаванни диялссак-сса шин хIацIаван (1,5 - 2 литра г̃антлун).

Г̃и к̃уртал х̃уннин дуван аьркинсса давурттал зуламур сияхI дуvara.

Г̃и цинявннаша ца кушуй г̃ан дуван к̃ашайссар, муния-ту, дуван х̃иричI к̃алавмунил ялув зуйра зура бювк̃у-аьй ма-дулларди.

Дурмунихлугу зух̃ва зува барчаллаг̃ учингу, зух̃ра зуvara цIа дувангу х̃амамабитари.

**ХIадур бувсар
Бадрижамал АЬЛИЕВАЛ**



Газета «Илчи» (Вестник)

Учредитель:
Агентство информации и печати
Республики Дагестан

Издатель:
ГБУ РД «Этномедиахолдинг
«Дагестан»

Х̃унама: МахIаммаев Аь.М
Тел.: 65-00-25

Х̃унама редактор:
К̃ьардашов Р. Аь.

Х̃унама редакторнал х̃ьиривма:
Башаев Р.М.

Жаваб дулайсса секретарь:
Исмяилова С.Р.

Редколлегия:
Адамов АьбдурахIман
МахIаммадович
Аьбдуллаев Сапарбаг Аьлиевич
Аьлиев ХIажу Сулайманович
Исрапилов Артур Анварович
Маммаев Сулайман Нураттинович
МахIаммадов Юсуп ХIамидович
Оьмаров Супиян Расулович
Илиясов Марат Сиражуттинович
Хасаева Гульшан Рамазановна
ХIажимирзаев Зиябуттин
Абусупиянович
ХIусайнаева Качар Абачараевна
Шайхалиев Астемир Икрамович
Шалласуев Шалласу Рамазанович
Эльдарава Роза ХIажиевна

Отделлал редактортал:
Аьбдуллаева А. П.
Аьдилов ХI. А.
Рамазанова П. ХI.
Тахак̃аева З. К.

Корреспондентг̃тал:
АьбдурахIманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал дизайнертал:
Абакарова К. Н.
ХIажиева З. У.

Кказитрай дурксса мак̃баларттаву кIицI лавгмур тIайлашиврул жаваб дулайссар чивчуманал.
Редакция мак̃алалул залуннал пикри-лий рязину бак̃ах̃урчагу, мак̃ала ришайссар, жяматрал цаламур пикри бусанссар тIисса ниятрай. Кказитрайн дуркIсса мак̃баларттайн рецензия к̃а-чичайссар ва ми залуннах̃х̃ун зана к̃адаийссар.

Кказит буккайссар нюзмардий цал. Шинай итабак̃айссар 48 номер.

Кказитрал индекс. П7046
Тираж – 1499 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail: ilchi@etnomediadag.ru
http://ilchi.info
Тел./факс. 66-00-59

Газета «Илчи» зарегистрирована
Управлением Федеральной службы по
надзору в сфере связи, информацион-
ных технологий и массовых коммуни-
каций по Республике Дагестан .
Рег. ПИ № ТУ 05-00424
от 30.04.2019

Газета «Илчи» отпечатана в типогра-
фии ООО «Феникс-пресс».
Адрес: РД, Шамилский район, с. Хеб-
да, ул. Сураката Асиятилова.
Срок подписания в печать 19.00.
Подписано 19.00.

Цена 10 руб.



gismeteo.ru